

CARTA NU GUTHEL·LA' APÓSTOL SAN PABLO PARA CA ENNE' ROMA

La Epístola Del Apóstol San Pablo A Los

ROMANOS

1 Inte' Pablo runia' nu rinèni Jesucristua inte' nna ná' apóstol qui'e porqui'ni Tata Dios nna chi gutà'ỹie inte', chi becu'f'e inte' para equixà'a' evangelio qui'e. ²Ca bendición nu ra lo evangéliu'j nna, Tata Dios nna chía benie prometer dèsdeba antes qui'ni ithèl·le'e cã lani ri'u, tì'a ra lo Santa Escritura nu bedia ca enne' canu uccua profeta nna gũnne cã parte qui'e chía gutsá. ³Evangelio nna nã mensaje tsè' porqui'ni riquixá'a' nu cca qui' Xana' Ri'u Jesucristo enne' ná Ỹi'ni Tata Dios. Jesucristua nna née descendiente qui' David enne' uccua rey tiempo antigua. ⁴Jesucristua nna gũlie le' yétsiloyu tì'a ri'u, pero bilá'ló qui'ni née Ỹi'ni gani Tata Dios, porqui'ni bitola de chi gũttiè nna beyáthee de lo lù'uti, prueba nu rulue' qui'ni labí bi'ya tul·la' benie nna née enne' completamente tsè' tì'a ná Espiritu Santo. ⁵por la'a mísmuba Jesucristua nna, acca yala catsi'fíni

Tata Dios intu' nna guthèl·le'e intu' ttsá' tu' huequixà'a' ti'i'ya enne' tsè' ná Jesucristo, para qui'ni ca enne' qui' adí ca nación nna iyénini cã nu cca qui'e nna tsíalatsi' qui' ne nna guni cã nu rèe. ⁶⁻⁷A'hua iyaba lebi'i canu ríalatsi' tsè'le le' ciudad Roma: Chi nã'yi le nna chi ná le qui' Jesucristua. Yala catsi'fíni Tata Dios le nna chi na'ỹinìe le porqui'ni calatsi'e qui'ni íche' le ttu la'labàni nà'ri. Calátsa'a' qui'ni Dios Padre qui' rí'ua nna gunie le bendecir lani adí favor qui'e a'hua lani la'ỹeni nu runna Jesucristua enne' née Señor lo iyate.

⁸Primérute calátsa'a' quixa'ánia' le qui'ni yala gracia rui'a' Tata Dios qui'a lani nombre qui' Jesucristua por iyaba lebi'i'j, porqui'ni iyé ca enne' nna riquixá'a' cã qui'ni chi ná le ca enne' chi ríalatsi'. ⁹Tata Dios enne' runia' servir lani itute latsi' lóstu'a' de riquixà'a' ti'i'ya tsè' ná salvación nu runna Ỹi'ni áa, lèe nna yùe qui'ni rexalátsa'a'

lebi'i tulidàba canchu chi runia' oración. ¹⁰Rinàbania' Tata Dios qui'ni canchu hua ná voluntad qui'e gúnnée inte' lo néda para ìta' tanél·lia' le. ¹¹Porqui'ni yala calátsa'a' ilá' te' le para qui'ni thí' le adí bendición por medio de biya capacidad nu rutie quia' para qui'ni ccá le creyente adí tsìttsì. ¹²Lebi'i nna gatà'ni le adí ánimo de riyénini le qui'ni ràppa' confianza Jesucristua tulidàba. Pero a'hua inte' nna ccá huá' animar de rilá' te' ti'iyá tsìttsì ná le lani e, canchu chi ìta' tanél·lia' le. ¹³Hermanos to' quia', calátsa'a' ccá le saber qui'ni iýé vuelta tsè' chi guleqquia lettia quia' ìta' làti tsè'le le para qui'ni ilá' te' le nna ccaýén látsa'a' qui'ni runi le nu ná tsè' tì'a chi gunenia' le, tì'a chi bilá' te' qui'ni ca creyente qui' adí ca nación chi runi ca tsè' ca enseñanza quia'. ¹⁴⁻¹⁵Té ttu obligación quia' quixa'ánia' iyábani clase de ca enne' qui'ni Cristua nna chi bitée para gudilèe ca, tàntua lani canu rinne titsa' griego, a'hua lani canu rinne adí ca titsa' huaya' l·le; tàntua lani canu ccani ittsì, a'hua lani canu bittu ccani l·le. Acca du taá' listo tstsà'a' huequixà'a' evangelio làti tsè'le le. ¹⁶Nidí tito' labí ratsi te' quíxa'á' evangéliuì le' ciudad qui' le Roma, porqui'ni Cristua nna té la'huacca qui'e para gudilèe iyaba ca enne' canchu tsíalatsi' qui' qui' e, tàntua ca enne' judío, làniana ca enne' qui' adí ca nación huaya' l·le. ¹⁷Porqui'ni mensaje de salvación nna rului'a qui'ni Tata Dios nna chi guthàlie neda para iria ri'u nàri lani e de iyaba ca tul·la' qui' ri'u, para qui'ni

labiru ccá ri'u culpable ru'a lúe, canchu tsíalatsi' ri'u nna gappa ri'u confianza lani e tulidàba, tì'ba chi ga'na escrito:

Nuýa tediba enne' de chi biria nàrià lani Tata Dios por medio de fe nu té qui'ì lani e, là nna ccabànià tulidàba.

¹⁸A'hua dèsdeba ÿiabara' rulue' qui'ni chi dá' juicio qui' Tata Dios iquía iyaba canu labí calatsi' qui' ccá ca enne' loto' nàri tì'a Tata Dios, acca labí runi ca nu ná tsè', sino runi lá ca nu ná mal contra ca enseñanza nu ra lo ca titsa' lí. ¹⁹Il·lani castigo qui' Tata Dios lani ca porqui'ni runi ca nu ná mal màsqui'ba chi yù ca qui'ni dúe, a'hua chi beluè'nie ca nu ná qui'ni gunibia' ca qui'e. ²⁰Por ejemplo: labí rilá' tènì ri'u Tata Dios, pero claru taá chi yù ca enne' dèsdeba gùre' yétsiloyu qui'ni té iýeni la'huacca qui'e, a'hua qui'ni labí biya tul·la' runie. Acca labí modo té gudu ca biya pretexto por ca tul·la' nu runi ca. ²¹Chi yù ca qui'ni dua Tata Dios, pero labí calatsi' qui' gudàliani ca ne tì' tegá què mercer, nìhua labí rue' ca ne gracias. Antes la rulaba latsi' qui' nu labí dacca' nna bétsi bétsi bá gùre' chul·la le' la' riyeni qui' qui' nna beyacca ca enne' necio. ²²Rena ca qui'ni yala la' riyeni tsè' té qui' qui', pero adílá enne' necio ná ca. ²³Labí rudàliani ca Tata Dios, sino rudu lá ÿibi qui' ru'a lo ca imagen nu rilá'ní ti'atsi ná ca enne' pero ídolo bá ná ca, labí ná ca nu bàni tì'a Tata Dios enne' bàni tulidàba. A'hua runi ca adorar ca figura de ca binni to' dia lo be', a'hua qui' ca animal canu tsia tappa

nì'a quì l'le, a'hua runi cã adorar ca bèl-là según creencia qui' ca enne'. ²⁴Acca Tata Dios nna bétse'e latsi'e cã cueni cã le' ca vicio qui' quì para qui'ni guni cã ca cosa mal nu runi bá latsi' quì nna beni cã ca cosa cùttsi. ²⁵Làcã nna béttsibi cã ca titsa' qui' Tata Dios nna huía lá latsi' quì la' bèÿia. Beni cã adorar ubitsa a'hua adí ca cosa nu beni Tata Dios, en lugar de la'a labée enne' què merecer qui'ni guni ri'u e adorar tulidàba. Quíÿaru e por la'huacca quì'e. ²⁶Làniana Tata Dios nna bétse'e latsi'e cã attu vuelta para guni cã la' ridàlatsi' nu labí ná nàri qui' quì, hàstaba ca niula nna labiru beni cã según naturaleza qui' quì sino beni lá cã contra nu nàni Tata Dios para ca niula. ²⁷A'hua ca nubeyu' nna labiru beni cã según naturaleza qui' quì, sino por deseo mal qui' quì nubeyu' lani nubeyu' beni cã nu labí nàni Tata Dios para làcã, acca yala rèttu'ni cã nna cca cã sufrir por mal nu beni cã porqui'ni la'a labá cã ràppa cã tul-la'. ²⁸Rena ca enne' qui'ni labiru riquína'ni cã Tata Dios, acca bétse'e latsi'e cã attu vuelta para tsé'e cã completamente bajo la' rulábalatsi' mal qui' bá quì para guni cã ca cosa nu labí ná tsè' para guni ca enne'. ²⁹Runi cã iyaba ca hecho mal sin límite, por ejemplo: ridualàni cã nu labí ná tsela quì, a'hua yala la' yélatsi' runi cã, la' dàlatsi' mal nna la' ridi'yèe' nna runi cã, yala envidioso ná cã, huetti enne' cã nna, huetil-la enne' cã nna, huethacca'ÿí cã nna, huèqquia belà'na cã nna. ³⁰A'hua huènne qui' enne' cã nna, hueduadí' enne' cã nna, bittu

cca guyu cã Tata Dios nna, bihua respeto té qui' quì para lani ca enne' nna, rulaba latsi' quì qui'ni yala enne' dacca' ná cã nna rebáta' cã, yala inteligente ná cã para guni cã ca vicio, yala cabezudo ná cã lani tàta nàna qui' quì. ³¹A'hua labí calatsi' quì gudà naga' quì biÿa consejo tsè', labí runi cã cumplir nu rena cã, labí ràppa cã la' tsì'ilatsi' lani ca enne', labí nabia'ni cã la' ÿénlatsi' lani attu enne', labí té la' retúalatsi' lo losto' quì. ³²Hua yù bá cã nu ra lo ley qui' Tata Dios: qui'ni iyaba ca nu runi cã ca cosa mal tì'a beni ca ènni'a nna ccá bá cã merecer gatti cã, atsi'íní runi ba cã ca cosa mal nà, a'hua yala redácca'ni cã canchu chi runi adí ca enne' la'a mísmuba ca túl-la'ã.

2 Acca nia' lu' nu ruyu la' ditsi qui' ca enne', nuÿa tediba enne' ní ná lu'. Labí ló lu' té para ina lu' qui'ni labí biÿa runi lu', porqui'ni de rena lu' qui'ni adí ca enne' nna cca cã merecer castigo nna, pues contra la'a lu' bá rudàni yùà' qui' alma qui' lu', porqui'ni ca tul-la' nu rena lu' qui'ni runi cã, pues la'a ca nua' huá runi lu'. ²Hua yù bá ri'u qui'ni Tata Dios ribèqqie sentencia qui' canu runi ca túl-la'á nna, pues hua ná porqui'ni gulú'u cã falta nna cca cã merecer thí' cã castigo. ³Lu' nu ruyu la' ditsi qui' can runi cã ca cosa malua', pero la'a ca nua' huá runi lu', biecca rulaba latsi' lu' qui'ni làa guni huá Tata Dios lu' sentenciar nì'i. ⁴Biánicca rutsibi bá lu' Tata Dios enne' té la' retúalatsi' ÿeni tsè' qui'e nì'i, pues ribèda bée lani paciencia eyacca lu' arrepentir. Née enne'

tsì'ìlatsi' lani lu' porqui'ni calatsi'e egué'e lu' néda para gutsiání la'labàni qui' lu'. Tsí labí yù lu' nui cá. ⁵Pero labí rudà naga' lu' nu ra Tata Dios, labí calatsi' lu' gutsiání la'labàni qui' lu', acca rudàni bá lu' adí castigo qui' lu' nu gunna Tata Dios para canchu chi gal-la' tsá juicio nna dacca'ló tabá gunie juzgar canu cca cã merecer thí' cã castigo. ⁶Lèe nna gutie qui' ttu ttu tsa ca enne' según ti'iya ná bá nu beni cã. ⁷Canu runi seguir nu ná tsè' nna, gutie la'labàni nu labiru ttíã qui' qui' porqui'ni adí calatsi' qui' la' redacca' latsi' nu ná tsè', a'hua adí rú'ulatsi' qui' Tata Dios nna gul-luítsa' tsì'e cã nna tsé'e cã lani e tulidàba. ⁸Pero iyaba canu rutsa'áni cã iquie nna, lèe nna gunie cã castigar porqui'ni labí calatsi' qui' gudà naga' qui' titsa' qui'e para guni cã conforme lani nu ná lí, sino runi lá cã nu labí ná tsè'. ⁹Acca íl-lani sufrimiento nna castigo nna para iyaba canu runi nu ná mal, tàntua lani ca enne' judío, làniana lani ca enne' qui' adí ca nación. ¹⁰Pero en cambio, Tata Dios nna gutie la' redacca' latsi' para iyaba ca enne' canu runi nu ná tsè', tàntua ca enne' judío, làniana ca enne' qui' adí ca nación, gute huée la' dàliani para làcã a'hua la'yeni nna. ¹¹Porqui'ni Tata Dios nna tulappa bá rilá'nie iyaba ca enne', nuya tediba enne' ní ná cã. ¹²Acca chi nanie qui'ni iyaba canu labí nabia'ni cã nu ra lo ca mandamiento nu guthèl:le'e lani Moisés, pero de runi cã tul-la' nna acca té qui'ni nitti ba cã sin ley qui'e. A'hua iyaba canu hua té

ley qui' Tata Dios lani cã, atsi'íní runi bá cã seguir lani ca tul-la' qui' qui', pues de acuerdo lani nu ra lo ley qui'e cuequia huée sentencia qui' qui' para nitti ba cã. ¹³Canu riyeni terúbáni cã nu ra lo ley qui' Tata Dios pero labí runi cã nu rée, làcã nna labí iria nàri cã ru'a lúe. Sino canu rigua nu ra lo ley qui'e, làcanuá nna cuequie cã cuenta por enne' tsè'. ¹⁴Porqui'ni ca enne' qui' adí ca nación canu labí ley qui' Tata Dios té lani cã pero runi cã por costumbre ca hecho tsè' nu ra lo ley qui'e, pues a' modo rulue' claru taá qui'ni chi yù cã nu ná tse' qui'ni guni cã. ¹⁵Por ca hecho qui' qui' nna rulue' cã qui'ni hua té ttu ley lo losto' qui' porqui'ni chi yù cã canchu nu runi cã hua nã tsè' o canchu labí. Té huá chuppa la' rulábalatsi' qui' qui': ttuã nna rã qui'ni ràppa cã tul-la', áttuã nna redi'ã cã. ¹⁶Jesucristua nna chi yùe iyate nu rulaba gattsí' bá ca enne' lo losto' qui', a' modo guni Tata Dios juzgar yétsiloyu de acuerdo lani ca titsa' tsè' qui'e nu riquix'à yì'i canchu chi i'yu tsáa.

¹⁷Lu' ná lu' enne' judío nna nàxu' lu' nu ra lo ley qui' Moisés, yala rebata' lu' nna rena lu' qui'ni ná lu' enne' qui' Tata Dios. ¹⁸A'hua hua yù bá lu' ti'iya ná nu calatsi'e qui'ni guni lu', acca chi yù lu' para guni lu' nu ná tsè', porqui'ni déte' lu' según nu ra lo ley qui' Moisés. ¹⁹Rena huá lu' qui'ni huaccani lu' quèl-la' lu' ná' canu labí yù cã para iche' lu' cã lo neda qui' Tata Dios. Rena huá lu' qui'ni enseñanza qui' lu' nna nã ti'a la'yani' para canu re' chul-la le' la' riyeni qui' qui'.

20Rena lu' qui'ni bueno tsaá' ccani lu' regú'u lu' néda ca enne' necio, a'hua para ccá lu' maestro qui' canu labí chi ritelí tsè'ni por medio de nu ra lo ittsi de ca mandamiento acca chi nabia'ni lu' néda de la' ritelíni nna ca enseñanza lígani nna. 21Lu' nna, chi ruthète'ni lu' attu enne' huaya' ca enseñanza qui' Tata Dios. Biánicca làa ruluè'ni lu' la'a lu' bá nì'i. Runi lu' predicar ru'a lo ca enne' qui'ni bittu ná tsè' cuana cã. Biálacca lu' nna ribána lu' nì'i. 22Lu' nna, chi rinèni lu' ca enne' qui'ni bittu ná tsè' thualàni cã nu labí ná tsela quí. Tsí hua ná nàri la'labàni qui' la'a mísmuba lu' sobre de asúntua' cá. Lu' nna, bihua cca guyu lu' biyã clase de imagen o figura nu runi ca enne' adorar. Biálacca ra'a lu' le' ca templo qui' quí nna ribána lu' biyã nu dacca' té qui' quí nì'i. 23Yala rebata' lu' por ittsi de ca mandamiento nu rudua lo ná' lu', pero hualigani labí respeto té qui' lu' lani Tata Dios, ála, porqui'ni labí runi lu' nu ra lo ca mandamientua'. 24Tì'a ra lo Escritura: Qui'ni ca enne' qui' adí ca nación nna yala mal rinne cã contra Tata Dios de rila'ni cã ca hecho mal qui' le. 25Marca de circuncisión nu rulue' qui'ni chi cca lu' pertencer lani Tata Dios, pues hua dàcca'a canchu hua rigua lu' nu ra lo dí ca mandamiento qui' Moisés. Pero canchu labí caso runi lu' qui' nu ra lo libro de ca mandamiéntua' nna, tulappa bá enne' mal ná lu' lani canu bihua marca de circuncisión té láti quí. 26A'hua canchu ttu enne' labí marca de circuncisión té qui' pero

runiã ca cosa tsè' nu ra lo ittsi de ca mandamiento nu bedia Moisés, tsí álahua cuequia Tata Dios na cuenta para ccá pertencer lani lèe ti'átsí ná bá circuncidado ála. 27Ttu nubeyu', canchu dèsdeba xcuichu tú'a bihua beni cã na circuncidar, pero yala tsè' rigua cã na mandamiento qui' Tata Dios, lànua' lá nna guniã lu' juzgar, porqui'ni rinna'ní lu' lo Escritura nna té ní marca de circuncisión qui' lu' nna, atsi'íní labí runi lu' cumplir adí ca mandamiento nu ra lo ca libro nu bedia Moisés. 28Alahua por nu rilá'ní ttu enne' lo ra' nna ritelíní qui'ni ccã pertenecer lani Tata Dios, a'hua circuncisión nu dacca' lani Tata Dios álahua ná biyã marca nu runi ca enne'. 29Porqui'ni ttu enne' nu hualigani ccã pertenecer lani Tata Dios nna chi ná ttùba lani e lo lòstu'i, álahua por raza quì'i. A'hua circuncisión nu dacca' lani e nna dá'a por Espíritu lo losto' ri'u, álahua ná ttu cosa material por ttu regla nu ga'na escrito lo ittsi. Làniana Tata Dios enne' ra qui'ni ná ri'u enne' tsè'.

3 Ca enne' judío nna, tsí álahua aprovecho té qui' quí cá. Tsí álahua dacca' marca de circuncisión nu té qui' quí cá. 2Hualiba yala ica'rubà ca enne' judío, porqui'ni Tata Dios nna bì'e titsa' lani cã personalmente taá tì'a ttu enne' lani amigo quì'i. 3-4Pero ttu te ca enne' judío nna labí runi cã seguir tsè' nu ra lo titsa' quì'e, pero álahua por nui nna ccani ri'u qui'ni bíruhá dacca' nu rèe, porqui'ni siempre yala dacca' ca titsa' quì'e. Iyaba ca enne' le' yétsiloyu nna ná

ca capáz para gúnilatsi' qui, pero álahua á' ná Tata Dios, sino itúyia tè nu rée hua ná titsa' lí nna gunie na cumplir, ti'a ra lo Escritura:

Cuiá'lu' Tata Dios, por nu ra cuiá'lu' rulue'ni qui'ni ná cuiá'lu' completamente enne' tsè'.

Tsè'e canu calatsi' qui eyila ca falta lani cuiá'lu', pero labí ririalàni ca.

⁵Por ca tul-la' qui' ri'u nna ritelíni qui'ni yala enne' justo ná Tata Dios. Acca ca enne' nna rena ca qui'ni yala enne' mal ná Tata Dios de runie ca castigar por ca tul-la' qui' qui. Tsí ina ri'u qui'ni á' ná cá. ⁶Labí, porqui'ni cáalá née enne' mal de runie ca enne' castigar por ca tul-la' qui' qui, ti'álá modo queé juez tsè' para gunie juzgar yétsiloyu ni'i.

⁷Raáruhuá ca enne': Yala enne' beýia ná ri'u, acca rulue'ni adírlulá claro qui'ni Tata Dios née enne' tsè' gání, entonces, biálacca átsaba té causa quia' qui'ni ná' hueni tul-la' ni'i. ⁸Tsí álahua tsè'ba ná canchu ina ri'u: gúni cà'a inte' nu ná mal para qui'ni ccá resultar ttu cosa tsè'. Labí, porqui'ni iyaba canu runi ca á' nna cca ca merecer castigo nu gunna Tata Dios. Ca enne' canu rinne ca contra tu' nna rena ca qui'ni á' ná enseñanza qui' tu', pero labí líni ca.

⁹Tsí ina ri'u qui'ni adí enne' tsè' ná ca enne' judío ti'chu adí ca enne'. Nidirubani ttu xcuichu to' labí ná ca adí enne' tsè'. Antes la chi yù ri'u qui'ni iyáyiani ca enne' nna ga'na ca le' tul-la', tàntua ca enne' judío á'hua adí ca enne'. ¹⁰Ti'ba ra lo Escritura:

Iyaba ca enne' nna té causa qui' qui por mal nu beni ca,

¹¹Lanú enne' té la' riyeni tsè' qui' sobre de nu cca qui' Tata Dios, Lanú té nu runi duel-la' para gunibí'a ne,

¹²Iyáyiani ca nna chi gul'à ca néda,

Completamente enne' mal ná ca, Nidirubani ttu enne' té la' retúalatsi' qui'í,

¹³Yala titsa' cùttsi rinne ca, Tulidàba ruthacca'yí ca, Yala sufrimiento té le' yétsiloyu por causa de ca titsa' dí' qui' qui,

¹⁴Yala riyè' ca iquua ca enne' nna ruduadí' ca,

¹⁵Listo ná ca para gutti ca ca enne',

¹⁶Puro sufrimiento runi ca gaýa tediba lugar ría ca hàstaá qui'ni rul-lùya ca latsi' ca enne',

¹⁷Labí runi ca duel-la' ccá ca ttu amigo qui' enne',

¹⁸Labí caso runi ca qui' Tata Dios para guni ca nu rú'ulatsi'e.

¹⁹Hua yù bá ri'u qui'ni iyate nu ra lo libro de ca mandamiento nu bedia Moisés nna ná bá para canu ná ca obligado para guni ca na cumplir, para qui'ni iyáyiani ca enne' tsè'e le' yétsiloyu nna bíttuúru rú'a qui' té para ina ca: labí ritelí te', porqui'ni por nu ra lo ca mandamiéntua nna acca chi yù ca qui'ni té causa qui' qui ru'a lo Tata Dios nna gunie ca sentenciar. ²⁰Por medio de nu ra lo libro de ca mandamiéntua nna chi ritelíni ri'u qui'ni ná ri'u enne' tul-la'. Pero lanú enne' té la'huacca qui'í para

iria nàrią ru'a lo Tata Dios por medio de ca obra nu ra lo ittsi de ca mandamiéntua.

²¹Pero annana Tata Dios nna rulue'nie ri'u qui'ni ribèqquia nàriè ri'u de ca tul-la' qui' ri'u, álahua por medio de ca mandamiento qui' ley nà', sino tì'a ra Moisés lo ca libro nu bedia bi, ą'hua lo ca libro nu bedia adí ca enne' uccua profeta, ²²quiere decir ti'iyā modo calatsi'e qui'ni eyacca ca enne' nàri de ca tul-la' qui' quį por medio de fe qui' quį canchu tsíalatsi' quį Jesucristua, tàntua ca enne' judío ą'hua adí ca enne'. ²³Porqui'ni iyāyiatè ca enne' tsè'e le' yétsiloyu nna ná cą enne' tul-la', acca labí chi gùl-la' cą la' dàliani qui' Tata Dios. ²⁴Pero annana runi Tata Dios iyaba ri'u recibir por la' tsí'ílatsi' quì'e sin qui'ni làa cca ri'u merecer, puro regalo ná salvación nu runne, porqui'ni Cristo Jesús nna gùttie para ri'u. ²⁵Tata Dios nna guthèl-le'e Cristo para qui'ni gattie nna quée sacrificio, para qui'ni ą' modo nna eyuniyén latsi'e ca tul-la' qui' ca enne', todo es qui'ni gappa cą confianza lani là terúbée para gata' salvación qui' quį. Ca enne' tiempo antigua nna, bila'ni Tata Dios cą qui'ni beni cą tul-la' contra ca mandamiento qui'e, pero labí biyā benie sino gulèdéè hasta qui'ni ithèl-le'e Cristua para gulue'nie cą ti'iyā modo eyacca cą enne' nàri de ca tul-la' qui' quį. ²⁶Ą'hua para gulue'nie ri'u canu tsè'e tiempo anna ti'iyā modo iria nàri ri'u lani e para guni huée ri'u recibir. Ą' modo nna nì ttu causa labí té quì'e sino ná lée enne' completamente tsè' de

runie recibir iyaba canu rappa cą confianza lani Jesucristo terúbá por salvación qui' quį.

²⁷Acca, labí té ttu nu ebàta'ní ri'u, álá. Biecca. Tsí por ttu ley nu ruthítsinią ri'u guni ri'u ca obra quį'į. Labí, sino por attu ley nu huaya', quiere decir ttu ley nu ra qui'ni tsíalatsi' ri'u para l-lá ri'u.

²⁸Por nui nna yu ri'u qui'ni Tata Dios nna runie ttu enne' recibir aláa por base de ca cosa tsè' nu runią acerca de ca mandamiéntua, sino por base de fe teruba nu té quį'į lani Jesucristo.

²⁹O tsí tsaų' teruba ca enne' judío runie cą recibir cá. Tsí lanú Tata Dios té para ca enne' qui' adí ca nación cá. Làchu, lèè nna ná huée Dios Padre para ca enne' qui' iyaba ca nación. ³⁰Ttu teruba Tata Dios dua para iyábani ca enne'. Lèè nna cueqquia nàriè iyaba ca enne' canu ríalatsi' quį Cristo, tàntu'a ca enne' judío, ą'hua ca enne' canu labí ná cą circuncidado l-le. ³¹De chi té fe qui' ri'u lani Cristo, tsí por nui nna rirú'na ri'u ca mandamiento qui' Tata Dios. Labí yá. Antes la ríalatsi' ri'u qui'ni ca mandamiento nu ra lo ca libro de Moisés nna yala dacca' cą pero según nu nani Tata Dios qui'ni fýu' cą.

4 Biala ína ri'u qui' Abraham enne' gùdua tiempo antigua cá. Biala gutelíni bi acerca de salvación cá. ²Labí té biyā para ebata' bi ru'a lo Tata Dios. Cálal biria nàri bi porqui'ni yala mandamiento beni bi obedecer, làniana yala motivo té para tháliani bi. ³Biani ra lo Escritura sobre de salvación qui' Abraham cá. Ra

qui'ni Abraham nna hu'álati' bi ca titsa' nu ra Tata Dios bi, acca Tata Dios nna beyuniyén latsi'e ca tul-la' qui' bi nna gulèqqwie cuenta fe qui' bi nna biria bi nàri lani e. ⁴Chi bá yu ri'u qui'ni ttu enne' ría tsina tsá nna, làniana bel-liu nu ridí'á nna labí nà ttu regalo sino ná b́ laỹi. ⁵Pero salvación nna hua ná ttu regalo, porqui'ni ttu enne' nna canchu tsíalatsi'í Tata Dios enne' reyuni nàrie canu tul-la' nna, iria nàri tìá de ca tul-la' qui'í ru'a lúe porqui'ni té fe qui'í lani e nna labiru bíyaáru reyátsaniá. ⁶A'hua David attu enne' gùdua tiempo antigua nna ra bi lo Escritura qui'ni yala ica'rubà ttu enne' canchu Tata Dios nna beyuniyén latsi'e ca tul-la' qui'í nna gulèqqwie na cuenta por enne' nàri, aparte de nu benia.

⁷⁻⁸Ra bi:

Ica'rubà ttu enne' canchu Tata Dios nna chi beyuniyén latsi'e ca falta qui'í nna,
 Labiru gurèxa latsi'e ca tul-la' qui'í,
 Nihua labiru cueqquia Señor sentencia qui'í por mal nu benia,
 Ica'rubá.

⁹Perdón nu yá runna Tata Dios, tsí nà tsaú' teruba para ca enne' judío cá. Pues ná huá para ca enne' qui' adí ca nación. Ra ri'u attu vuelta qui'ni Abraham nna por fe nu té qui'í lani Tata Dios, acca gulèqqwie bi cuenta por enne' nàri. ¹⁰Cua tegá beyuni nàri Tata Dios bi de ca tul-la' qui' bía cá. Tsí de chía ná bi circuncidado, o, tsí antes càla biyénini bi mandamiento nu cca qui' circuncisión cá. Beyuni nàri

Tata Dios bi álahua porqui'ni chi ná bi circuncidado, sino antes càla cca bi circuncidar. ¹¹Làniana uccua bi circuncidar. Marca de circuncisión qui' bi nna uccuá ttu señal para ccá ri'u saber qui'ni chía gulèqqwia Tata Dios bi cuenta por enne' nàri antes càla cca bi circuncidar, quiere decir por medio de fe nu gùta' qui' bi lani Tata Dios, aláa por mandamiéntua. Acca Abraham nna ná bi tì'a ttu tàta para iyaba ri'u canu ríalatsi', de ribèqquia Tata Dios iyaba ri'u cuenta por enne' nàri por base de fe qui' ri'u, tàntua lebi'i canu labí ná le circuncidado, para qui'ni a'hua lebi'i nna gunie le recibir. ¹²A'hua por ejemplo qui' bi nna ná bi tì'a ttu tàta para canu ná circuncidado, aláa porqui'ni té marca de circuncisión qui' qui' sino porqui'ni ríalatsi' qui' Tata Dios, tì'a fe nu guta' qui' tàta espiritual qui' ri'u Abraham antes càla cca bi circuncidar. ¹³Tata Dios nna benie prometer lani Abraham a'hua attu vuelta lani ca yì'ni bi qui'ni íl-lani tsá qui'ni ccá qui' bi ituba yétsiloyu, álahua por base de biya mandamiento nu beni bi obedecer, sino por base de fe nu gùta' qui' bi lani Tata Dios nna beyuni nàrie bi de ca tul-la' qui' bi. ¹⁴Ca bendición nu runi Tata Dios prometer qui'ni gúnnee, cáalá íl-lani çá para canu rulaba latsi' qui' qui'ni iria nàri çá por medio de ca mandamiento nu runi çá, entonces ti'ala modo iỹu' fe nu ná qui'ni té qui' ri'u nì'i. Nihua promesa qui'e nna labiru dàcca'a canchu a' ná nu rulaba latsi' ca enne'. ¹⁵Por medio de nu ra lo ley nna, acca íl-lani castigo qui' Tata

Dios lani ri'u. Pero làti labí ley té nna, pues bihua runi ca enne' desobedecer. ¹⁶Bendición nu ra Tata Dios qui'ni gúnnée nna, thí' ri'u a por medio de fe nu té qui' ri'u lani e, a' modo nna nâ puro regalo qui'e para lani ri'u, para qui'ni promesa nu benie nna dâcca'a para iyaba canu cca pertenecer lani Abraham, quiere decir para iyaba canu rialatsi' qui' nu ra Tata Dios tì'a fe nu gùta' qui' Abraham, sea ca enne' canu té Ley qui' qui, a'hua adí ca enne' canu ría teruba latsi' qui. Abraham nna ná bi tì'a ttu tàta qui' iyaba ri'u canu rialatsi'. ¹⁷Tì'a ra lo Escritura: Chi becuí'a' lu' para ccá lu' tì'a ttu tàta qui' iýtse'ní ca enne'. A' modo nna yala dacca' promesa nu beni Tata Dios para gunie na cumplir. Abraham nna huíalatsi' bi Tata Dios enne' té la'huacca qui'e para echithe canu yatti nna eyacca bànì cã. A'hua riquixè'e nu cca qui' ca cosa nu chì' da'la pero lani itute seguridad ti'átsí chìa gùl-lani cã. ¹⁸Abraham nna yala fe guta' qui' bi màsqui' ba labí yù bi ti'iya modo guni bi recibir nu chi beni Tata Dios bi prometer qui'ni itsina' ttu yi'ni bi nna ccá bi tàta qui' iýtse' ca nación, pero gùta' fe qui' bi qui'ni Tata Dios nna gunie cumplir nu rèe qui'ni tì' taání tsia iýé mili' ca bélia, a' tení ccá iyaba ca descendencia qui' bi hàstaá iýtse'ní ca enne'. ¹⁹Abraham nna casi gayua' ídani bi lània, pero labí bedúl-la'a latsi' bi sino huía bá latsi' bi màsqui'ba chì ná bi enne' gùla tì'a canu chi' tabáduã gatti cã, a'hua niula qui' bi Sara nna uccua bi niula huètsi. ²⁰Labí bedu chùppaniã cabi, nihua

labí ra bi: labiru confianza gapa' lani titsa' qui' Tata Dios. Sino adíla tsittsì uccua fe qui' bi nna bedàliani bi Tata Dios por promesa qui'e. ²¹Huíalatsi' bi lani itute latsi' bi hàstaá qui'ni hua yulí rànì bi qui'ni Tata Dios nna té la'huacca qui'e para gunie cumplir iyaba ca titsa' qui' promesa nu chi rèe. ²²De bila'ni Tata Dios qui'ni gùta' fe qui' bi nna, acca gulèqqwie bi cuenta por enne' tsè' ru'a lúe. ²³⁻²⁴Chi ga'na escrito qui'ni gulèqqwie bi cuenta por enne' tsè' ru'a lúe pero álahua tsuã' teruba para Abraham, sino a'hua para iyaba ri'u canu ná qui'ni cuequua huée ri'u cuenta por enne' tsè' ru'a lúe, porqui'ni té huá fe qui' ri'u lani Tata Dios enne' beni qui'ni beyátha Xana' Ri'u Jesucristua de lo lù'uti. ²⁵Bete cã nu cuenta nna gùttie por ca tul-la' qui' ri'u, pero Tata Dios nna bechìthee bi de lo lù'uti, acca hua té modo para iria nàrì ri'u de ca tul-la' qui' ri'u nna gunie iyaba ri'u recibir.

5 Chi ná ri'u enne' tsè' ru'a lo Tata Dios porqui'ni ríalatsi' ri'u nu rèe, acca chi cca tsè' ri'u e por nu beni Xana' Ri'u Jesucristua para ri'u. ²Por nu beni Jesucristua nna chi biyàlia néda para ibiga' ri'u lani Tata Dios nna ridi' ri'u favor nu runne qui' ri'u. Lani la' redacca'latsi' ribèda ri'u qui'ni i'yu tsá ccá ri'u enne' completamente tsè'ni lani lèe. ³⁻⁴Pero alàa tsuã' teruba por nuã', sino redacca' huá latsi' ri'u de cca ri'u sufrir por biya ca la' ruyudí' qui' ca enne', porqui'ni a' modo nna guchia ri'u adí nna guni ri'u Señor seguir, làniana iria ri'u tsè' lani e de

ri-la'nie qui'ni ná ri'u creyente tsittsi. Làniana lani la' redacca'latsi' cueda ri'u nu chì' da'la. ⁵Labí ratsini ri'u, porqui'ni yùli ràbani ri'u qui'ni nu chì' da'la nna ná ttu cosa tsè' para ri'u, porqui'ni puro la' tsì'ilatsi' qui' Tata Dios runna Espíritu Santo lo losto' ri'u, enne' due lani ri'u porqui'ni née regalo qui' Tata Dios para ri'u. ⁶Porqui'ni de gütse'e ri'u sin fuerza espiritual por causa de ca tul-la' qui' ri'u, bi'yu tsá señalado nna gùtti Cristua por ri'u ca enne' tul-la'. ⁷Casi lanú nu'ya calatsi'ì gattià parte qui' ttu enne' átsi'ini runià nu ná tsè'. Pero xiaba hua ría ttu enne' iria latsi' la'labàni qui'ì nna gattià parte qui' ttu enne' tsè' gani. ⁸Pero Tata Dios nna iyéni teláni belue' la' tsì'ilatsi' qui'e lani ri'u porqui'ni màsqui'ba ná ri'u enne' tul-la', pero Cristua nna biria latsi'e la'labàni qui'e gùttie para gudilèe ri'u. ⁹De chi gùtti Cristo por ca tul-la' qui' ri'u nna chi ná ri'u enne' nàri nna tsè' nna lani Tata Dios. Acca adila seguro ga'na ri'u qui'ni por la'huacca qui' Cristo nna l-lá ri'u nna labí tsía ri'u le' castigo nu chì' da'la. ¹⁰Porqui'ni labiru ná ri'u contrario qui' Tata Dios, sino chi beyàcca tsè' ri'u e por medio de lù'uti qui' Yi'ni áa. Acca de chi ná ri'u amigo lani e nna adila seguro ga'na ri'u qui'ni l-lá ri'u por medio de la'labàni qui'e. ¹¹Además de nui nna annana runi ri'u vencer lani la' redacca'latsi' porqui'ni chi ná ri'u ttùba lani Tata Dios por nu beni Xana' Ri'u Jesucristua enne' beni qui'ni beyàcca tsè' ri'u lani e.

¹²Por ttu teruba nubeyu' nna gul'lani tul-la' le' yétsiloyu, acca

gul'lani huá lù'uti, iyá'yiani ca enne' ratti ca porqui'ni iyá'yiani ca runi ca mal contra ca mandamiento nu ra Tata Dios. ¹³Dèsdeba ántescàla uccua escrito libro de ca mandamiento qui' Tata Dios, chì lá runi ca enne' maldad. Pero ína ri'u qui'ni labí iria ttu enne' culpable canchu labí mandamiento té nu runià na condenar. ¹⁴Átsi'ini por tuchùppa mili' ida dèsdeba gùdua Adán hàstaba tiempo qui' Moisés nna gùtti iyaba ca enne' porqui'ni beni ca maldad, màsqui'ba labí mandamiento té tiempo lània para guni ca enne' na desobedecer. Tì'a Adán nna, à'hua uccua duel-la' íl-lani Cristo. ¹⁵Adán nna beni bi Tata Dios desobedecer acca gulù'u bi falta. Por ttu teruba túl-la'á nu beni bi tiempo lània nna, acca gutà'a lù'uti lani itute humanidad hàstaba ri'u. Pero adila la'huacca té regalo nu yà runna ba Tata Dios qui' ri'u, porqui'ni por la' tsì'ilatsi' qui' ttu teruba enne' Jesucristua nna gutà'a iyéni favor qui' Tata Dios nu yà runna bée qui' iyaba ri'u. ¹⁶Attu vuelta nia' qui'ni nu uccua por causa de ttu desobediencia nu beni Adán nna bihua comparar runià lani favor nu yà runna Tata Dios. Por causa de ttu teruba túl-la'á acca Tata Dios nna gulèqqie sentencia qui' iyábani ca enne' para tsía ca le' castigo. Pero nannana por medio de favor qui'e nna, acca yà runie iyaba ca enne' recibir por enne' nàri màsqui'ba iyétse'ní tul-la' beni ca. ¹⁷Guduló la'huacca qui' lù'uti le' ituba yétsiloyu de gulù'u ttu teruba nubeyu' nérúa falta. Pero adí teérolá la'huacca té qui' la'labàni

qui' iyaba ri'u annana, porqui'ni por ttu teruba Jesucristua acca yala catsi'lni Tata Dios ri'u nna runie ri'u recibir por enne' nàri por iŷéniní favor què'e lani ri'u. ¹⁸Quiere decir qui'ni por ttu falta nu gulú'u ttu teruba nubeyu', acca iyáŷiani ca enne' nna tsè'e çà bajo sentencia para tsía çà castigo para siempre. Pero por ttu teruba hecho tsè' nu beni Ŷi'ni Tata Dios nna acca hua té modo para guni Tata Dios iyaba ca enne' recibir nna ccabàni çà para siempre. ¹⁹Quiere decir qui'ni por desobediencia qui' Adán nna, uccua resultar qui'ni nuŷetse' ca enne' nna ná çà enne' tul-la'. Pero por obediencia qui' Jesucristua nna uccua resultar qui'ni nuŷetse' ca enne' nna té modo qui' qui' para qui'ni iria nàri çà ru'a lo Tata Dios. ²⁰Por ca libro de ca mandamiento nu betha'na Moisés, acca ca enne' nna yù çà ti'iŷa mal ná nu runi çà. Ca enne' nna runi çà seguir tul-la' tulidàba, pero Tata Dios nna runie seguir què' enne' tsè' lani ri'u tulidàba por iŷéniní la' tsi'ilatsi' nu té què'e para ri'u. ²¹Tiempo antes nna beni lá tul-la' qui' rí'ua vencer, làniana lù'uti. Pero annana adila la'huacca té la' tsi'ilatsi' qui' Tata Dios lani ri'u, porqui'ni chi gùtti Xana' Ri'u Jesucristua para qui'ni iria nàri ri'u lani Tata Dios de ca tul-la' qui' ri'u nna gata' la'labàni nu labí ttíq qui' ri'u.

6 Tsí hua ná tse' qui'ni ína ri'u: Gúni xia' adí tul-la' para qui'ni gunia' aprovechar la' tsi'ilatsi' qui' Tata Dios. ²Bittu rúbaniŷa. Porqui'ni para lani tul-la' nna chía gùtti ri'u. Ti'ala modo acca gúniíru

ri'u seguir le' tul-la' nìi. ³Por bautismo qui' ri'u nna rulue' qui'ni chi té parte qui' ri'u lani la'labàni qui' Jesucristo. Tsí labí yù hua le qui'ni por bautismo qui' ri'u té huá parte qui' ri'u lani lù'uti què'e cá. ⁴De chi té parte qui' ri'u lani lù'uti qui' Cristo nna bigàttsi' huá ri'u lani e. A' uccua, para qui'ni t'la beyáthee de lo lù'uti por la'huacca tsùna' qui' Tata Dios, a'hua ri'u nna ná qui'ni guni ri'u nu ná tsè' nna nàri nna por la'huacca qui' la'labàni cubi nu chi té qui' ri'u. ⁵De chi té parte qui' ri'u lani lù'uti què'e nna, acca chi ná ri'u ttùba lani e. A'hua ccá ri'u adí ttùba lani e de eyátha ri'u de lo lù'uti nna gata' la'labàni cubi para cuerpo qui' ri'u t'la lèe. ⁶Bittu iŷùl-lani ri'u qui'ni enne' tul-la' nu uccua ri'u antes nna chi gùtti huá lani Cristo lo curútsia, para qui'ni cuerpo qui' ri'u lani la' ridàlatsi' mal qui' nna bíttuúru guniá nu ná mal, para qui'ni bíttuúru tse'e ri'u bajo la' rigú'ubia' qui' tul-la'. ⁷Porqui'ni ttu enne' canchu chi gùttiá nna labiru modo té qui'ni gúniíruá tul-la'. ⁸Acca, de chi gùtti ri'u espiritualmente taá lani Cristo loti' gùttie lo curútsia nna, ría huá latsi' ri'u qui'ni chi té parte qui' ri'u lani la'labàni què'e. ⁹Cristua de chi gùttie nna beyáthee de lo bà què'e para bíttuúru gatti e, acca egà'na ri'u seguro qui'ni labiru la'huacca qui' lù'uti té lani e. ¹⁰De gùttie lo curútsia nna, tsàba gùttie para lani tul-la' qui' ri'u. Pero por la'labàni nu té què'e annana, bànie para lani Tata Dios tulidàba. ¹¹Acca lebi'i nna ná qui'ni cueqquia cuenta latsi' le qui'ni chi ná le nu yatti

para bíttuúru guni le nu calatsi' tul-la'. Chi ná le ttùba lani Xana' Ri'u Jesucristua, acca ná qui'ni ttéí huáni le qui'ni chi té la'labàni cubi qui' le para guni le nu calatsi' Tata Dios. ¹²Cuerpo qui' le nna gatti bá. Bíttuúru gute le lugar qui'ni tul-la' nna cu'úbia'niá le para guni le la' ridàlatsi' mal qui'í. ¹³Iyaba parte nu ná cuerpo qui' le, por ejemplo: ca ná' le nna ca nì'a nna bíttuúru gute le lugar qui' qui' guni ca ca maldad nu rú'ulatsi' tul-la'. Sino guni le ofrecer la'a lebi'i bá lani Tata Dios para tsé'e le làtsi' né'e nna ccá útil iyaba ca parte qui' cuerpo qui' le para guni le nu ná tsè', porqui'ni chi gulà le le' lù'uti. ¹⁴Tata Dios nna bittu nanie qui'ni tsé'e le bajo poder qui' tul-la' attu para guni le nu ná mal. Labiru ná le bajo la'huacca débil qui' nu ra lo ley, sino chi nabia'ni le ti'i'ya fuerte ná la'huacca qui' la' ts'i'ilatsi' qui' Tata Dios para guni le nu ná tsè'.

¹⁵De chi yù ri'u qui'ni labí l'á ri'u por medio de ca mandamiento nu rigua ri'u, tsí hua ná tsè' qui'ni ína ri'u: Inte' nna guni xà' tul-la' nu ridàlátsa'a' porqui'ni Tata Dios nna yala catsi'ínie inte' nna eyuniyén latsi'e quia'. Bittu rúbaniya. ¹⁶Chìa yù le qui'ni de rute le cuenta la'a lebi'i ba lani ttu nuya para guni li a servir, làniana ná le obligado qui'ni guni le nu calatsi'í, ya sea lani numalua para guni le tul-la' nna ccá le sufrir lù'uti, o ya sea lani Tata Dios para guni lí e obedecer nna ccá le enne' tsè' nna nàri nna. ¹⁷Antes nna uccua le listo tulidàba para guni le tul-la', pero qui'yaru Tata Dios qui'ni chi

beni le obedecer ca enseñanza nu guthel-lee lani le. ¹⁸De chi ritelíni le qui'ni labiru ná le bajo la'huacca qui' tul-la' para guni le nu ná mal, luego taá beni le ofrecer lani Tata Dios para guni le nu ná tsè', tì'a ttu siervo tsè' lani xàni'í. ¹⁹Bedua' ilustración nu cca qui' ca siervo para qui'ni ttéíni le adí tsè'. Antes nna beni le ofrecer iyaba ca parte nu ná cuerpo qui' le tulidàba para guni le nu labí ná nàri nna, para guni le servir la' ridàlatsi' mal qui' le hàstaba bìtti' bá ca vicio beni le. Pero annana ná qui'ni guni le ofrecer iyaba ca parte nu ná cuerpo qui' le tulidàba para guni le nu ná tse', ya qui'ni Tata Dios nna chi gulequua nàrie le para ccá lá le enne' nàri ru'a lúe. ²⁰Loti' rútsiabria' le para guni le tul-la' nna, labí uccua le libre para ccá le enne' tsè'. ²¹Biani cosa tsè' uccua lani le por ca la' ridàlatsi' mal nu beni le ttu cuaya nuá nì'i. Pues yala rettu'ni le de rexalatsi' le ca, a'hua resultado qui' ca tul-la' nu beni lía nna nà lù'uti. ²²Pero annana labiru ná le obligado para iche' le ttu la'labàni nu de tul-la', sino chi ná lá le libre para guni le Tata Dios servir nna ccá le enne' yà'latsi' para iche' le ttu la'labàni nàri ru'a lúe, làniana la' redácca' latsi' de chi té la'labàni nu labí ttíá qui' le. ²³Resultado de ca tul-la' nu runi ca enne' nna nà lù'uti nu labí fin qui'í té, porqui'ni a' cca ca merecer. Pero regalo nu yá rúnna bá Tata Dios nna nà la'labàni nu labí ttíá qui' iyaba ri'u canu ná ttùba lani Xana' Ri'u Jesucristua.

7 Lebi'i hermanos, chi nabia'ni le ley nu ga'na escrito, hua

yù bá le qui'ni ttu enne' nna hua ná obligado gunià obedecer iyaba ca mandamiéntua miéntraste bànià. ²Ti'a ttu matrimonio por ejemplo, ttu niula nu chi bettsaní'ì, hua yù bá ri'u qui'ni por nu ra lo ley nna hua ná obligado lani nubeyu' qui' niá. Solamente canchu gatti nubeyu' qui' niá, làniálá nna bíruhua dúà bajo acta lani nubéyu'a, ³sino huacca bá guttsaní'ì lani attu nubeyu' canchu calatsi'ì, bíruhua ná adulterio, porqui'ni según nu ra lo ley nna chi ná libre de chi gùttì tsela niá. Pero canchu guttsaní'ì lani attu nubeyu' miéntraste bàni bá tsela niá nna, entonces chi ná adulterio nu runià. ⁴A'hua lebi'i hermanos to' quia', chi gùttì le para lani ley antigua loti' gùttì Cristo lo curútsia, para qui'ni ccá le pertenecer lani attu xana' huaya', quiere decir chi ná le ttùba lani Cristo enne' beyátha de lo lù'uti, para qui'ni ccá ri'u enne' útil para guni ri'u nu rú'ulatsi' Tata Dios. ⁵Antes nna labí chi gùta' la'labàni espiritual qui' ri'u. De riyénini ri'u nu ra lo ca mandamiéntua nna adila gudà latsi' ri'u guni ri'u nu labí ná qui'ni guni ri'u, uccua ri'u útil para guni ri'u tul-la' nna, cca resultar lù'uti para ri'u. ⁶Pero labiru tsè'e ri'u bajo ca mandamiéntua nu beni cã ri'u dominar, porqui'ni chi gùttì ri'u para lani ley nà, acca chi ná ri'u libre para guni ri'u Tata Dios servir, alàa por medio de ca regla nu rigua ca enne' tì'a beni ri'u antes, sino lani attu modo huaya', por la'labàni cubi nu runna Espíritu Santo. ⁷Tsí hua ná tsè' qui'ni ína ri'u contra nu ra lo ley cá. Pues, nìdirubani tito' tul-la' labí té qui'ì

álá. Pero nia' le qui'ni labí benibía' biyã nuã' tul-la' sino por medio de nu ra lo ca mandamiéntua. Por ejemplo, de biyeni te' mandamiéntua nu ra: Bittu thálatsi' lu', làniana gutelí tabá te' ti'iyã mal ná túl-la'ã' para lani Tata Dios. ⁸Pero de riyeni te' mandamiento nu ra: Bittu thálatsi' lu'; làniana guduló tabá ttu deseo fuerte lo lóstu'a' para thálátsa'a' gunia' iyaba clase de tul-la'. Porqui'ni cáalá labí ca mandamiento té, làniana labí yù ri'u qui'ni tul-la' nna ná legalmente tul-la'. ⁹A'hua inte' nna, antes de nabia' te' nu dá' lo ca mandamiéntua nna yala uccua'a' animar. Pero bì'yu tsá qui'ni gutelí te' iyaba nu ra lo ca mandamiéntua qui'ni gunia', làniana bennia' cuenta qui'ni iýé vuelta labí benia' Tata Dios obedecer nna yala enne' tul-la' ná bá' para gattia'. ¹⁰Ra lo ca mandamiéntua qui'ni gata' la'labàni qui' ri'u canchu cúa ri'u cã, pero para inte' nna chè' cã lù'uti. ¹¹De nabia' te' nu ra lo mandamiéntua nna guduló ttu deseo fuerte lo lóstu'a' para gunia' tul-la' nna yala guýacca'yíá' porqui'ni por medio de mandamiéntua nna rígu'á' falta lani Tata Dios nna chi gulèqque sentencia quia' para gattia'. ¹²Acca ína ri'u qui'ni iyaba ca mandamiento nu ga'na escrito lo ley nna ná titsa' lígani qui' Tata Dios nna completamente tsè' ná cã para bien qui' ri'u. ¹³Ti'ani modo pá'a' le qui'ni yala tsè' ná ca mandamiéntua cá, de chi yùà' qui'ni por ca mandamiéntua nna acca caduel-la' qui'ni gattia' nna nitti ba' cá. Pero alàa ná por

ca mandamiéntua, sino por la' ridàlatsi' mal nu té lo lóstu'a' para gulue' qui'ni yala mal runi tul-la'. Acca la' ridàlatsi' mal quia' nna gùchi'ą lù'uti para inte' por medio de ca mandamiento tsè' nna ritelíni ri'u qui'ni tul-la' nna té la'huacca quì'į para guthacca'ỹiá ri'u. ¹⁴Hua yù bá ri'u qui'ni ca mandamiéntua nna riquixá'a cą nu cca qui' ca cosa espiritual, pero inte' nna bihua ná' enne' espiritual, sino dúa' bajo poder qui' tul-la'. ¹⁵Completamente labí ritelí te' la'a mísmuba inte' ti'ỹa ná nu runia', porqui'ni hualigani calátsa'a' gunia' nu ná tsè', pero runi la' ca cosa mal nu ná cùttsi para inte'. ¹⁶Ca cosa mal nu labí calátsa'a' gunia', pero ca nua' lá nua' runia', ą' modo nna reyùnia' reconocer qui'ni ley qui' Tata Dios nna ną tsè'. ¹⁷Acca hua yúá' qui'ni álahua por voluntad quia' acca runia' mal, sino por tul-la' lá nu dá'ą de lo lóstu'a'. ¹⁸Completamente enne' tul-la' bá ná' porqui'ni hualigani huacca bá látsa'a' gunia' nu ná tsè', pero labí la'huacca tsè' té lo lóstu'a' para irialània' guni ya' ą. ¹⁹Yala voluntad té quia' para gunia' nu ná tsè', pero labí runi ya' ą. Atsi'ini ca cosa mal nu rulaba látsa'a' qui'ni bittu guni ya' cą, ca nuá lá runia'. ²⁰De runia' mal nu labí calátsa'a' gunia', pues álahua inte' bá runi ya'ą, sino la' ridàlatsi' mal nu dua lo lóstu'a' nna runiá na. ²¹Į ná experiencia quia' lani ca mandamiéntua: canchu calátsa'a' gunia' nu ná tsè', làniana mal nu dua lo lóstu'a' nna runiá estorbo. ²²Lo lóstu'a' nna demasiado rú'ulátsa'a' gunia' nu ra Tata Dios

qui'ni gunia'. ²³Pero ca parte nu ná cuerpo quia' nna calatsi' qui' guni cą attu cosa huaya' nna riril-la cą contra la' rulábalatsi' tsè' quia' para qui'ni tul-la' nna guniá inte' vencer para gunia' la' ridàlatsi' mal nu rú'ulatsi' cuerpo quia'. ²⁴Nì tito' la' redácca'latsi' labí té quia'. Nú gání té la'huacca quì'į para gudilá inte' le' maldad nu dua lo lóstu'a' para qui'ni labiru gudáxu'ą inte' preso. ²⁵Qui'ýaru Tata Dios qui'ni hua té salvación para ri'u por medio de la'huacca nu té qui' Xana' Ri'u Jesucristua. Así es qui'ni tulidàba rulaba látsa'a' qui'ni caduel-la' gunia' obedecer ca mandamiento qui' Tata Dios, pero ná' nubeyu' lani cuerpo nna labí yúá' ti'ỹa modo para làa gunia' tul-la'.

8 Pero hua té modo para l-lá iyaba ri'u de chi cca ri'u pertenecer lani Jesucristua, porqui'ni lani lèe nna labiru cca ri'u condenar, canchu labí tsè'e ri'u bajo poder de mal nu ná ri'u, sino bajo poder qui' Espíritu Santo enne' dua lo lóstu' ri'u. ²Chi ná' ttùba lani Jesucristua, acca por poder qui' Espíritu Santo nna chi té la'labàni cubi quia', chi ná' salvo, labiru dua' bajo poder de tul-la' nna lù'uti nna para guni ya' cą obedecer. ³Tata Dios nna chi benie para ri'u ttu cosa tsè' nu labí ccani ca mandamiento nu betha'na Moisés guni cą. Ca mandamiéntua nna labí la'huacca té qui' qui' para qui'ni gata' salvación qui' ri'u, porqui'ni yala enne' tul-la' ná ri'u. Acca guthèl-le'e Ỹi'ni áa nna bitée forma de enne' ti' tabá ná ri'u para gattie nna quée sacrificio por ca

tul-la' qui' ri'u. A' modo Tata Dios le' cuerpo qui' Ÿi'ni áa nna guleqqie sentencia contra ca tul-la' qui' ri'u.

⁴Anía benie para qui'ni ccá posible guni ri'u ca cosa tsè' nu ra lo ca mandamiéntua, porqui'ni annana runi ri'u obedecer pero aláa ca cosa nu rú'ulatsi' mal nu ná ri'u, sino nu rú'u lá latsi' Espíritu Santo.

⁵Iyaba ca enne' canu tsè'e bajo poder de mal nu ná ca, làcã nna runi ca según la' rulábalatsi' qui' bá qui. Pero iyaba ca enne' canu nabia'ni ca ti'iŷa tsè' ná la'huacca qui' Espíritu Santo lani ca, làcã nna rappa ca interés gunibia' ca ca cosa espiritual nu rú'ulatsi' Tata Dios.

⁶Canu runi ca puro tabá según la' rulábalatsi' qui' bá qui, làcã nna nitti ba ca. Pero iyaba canu runi ca duel-la' para guni ca nu rú'ulatsi' Espíritu Santo, làcã nna gata' la'labàni nu labí ttíã qui' qui a'hua labiru estorbo té le' la' riyeni qui' qui, sino la'ŷeni lo losto' qui.

⁷Porqui'ni canu tsè'e ca bajo poder qui' la' rulábalatsi' mal qui' qui, làcã nna ruyudí' ca Tata Dios. A'hua por fuerza de mal nu ná ca nna labí calatsi' qui' guni ca obedecer Tata Dios, ñihua labí ccani ca guni ca ne obedecer màsqui'ba yala duel-la' runi ca. ⁸Iyaba canu tsè'e ca bajo poder de la' rulábalatsi' qui' bá qui, làcã nna labí la'huacca té qui' qui para guni ca nu rú'ulatsi' Tata Dios. ⁹Pero lebi'i nna bíruhua ná le tì'a canuá, sino chi té la'labàni espiritual qui' le, canchu là hualigani chi dua Espíritu Santo lo losto' le nna runie le dominar. Tata Dios nna chi guthè:le'e Espíritu Santo le' yétsiloyu, pero

iyaba canu lanú Espíritu Santo dua lo losto' qui, làcã nna labí ná ca qui' Cristo, porqui'ni lèe nna bitée por mandado qui' Cristo.

¹⁰Canchu chi dua Cristo lo losto' le nna, chi bàni le espiritualmente taá porqui'ni Tata Dios nna chi benie le recibir por ŷi'nie, átsi'ini gatti ba cuerpo qui' le por causa de tul-la'. ¹¹Jesucristua después de chi gùttie nna beyacca bànie por la'huacca qui' Tata Dios nna beyáthee de lo lù'uti. La'a mísmuba Tata Dios nna gúnná huée la'labàni cubi qui' le para qui'ni eyacca bàni huá le átsi'ini cuerpo qui' le nna nã nu dacca' gatti. A' gunie por medio de Espíritu Santo enne' guthè:le'e para thúe lo losto' le, canchu là hualigani chi runie le controlar. ¹²Acca hermanos, ccá le saber qui'ni mal nu ná ri'u nna labiru derecho té qui' qui'ni guni ri'u a obedecer. ¹³Canchu runi bá le seguir tsè'e le bajo poder qui' ca la' ridàlatsi' mal qui' le, hua yù bá le qui'ni a' modo nna chi día le lo néda de lù'uti. Pero por medio de Espíritu Santo nna hua té iŷeni la'huacca para lebi'i, para qui'ni ca la' ridàlatsi' mal qui' le nna bíttuúru té poder qui' qui'ni guniã latsi' le huín le tul-la'. Canchu uquína'ni le la'huaqqi' nna, ccabàni le tulidàni. ¹⁴Iyaba ca enne' canu runi ca nu ná tsè' para guni ca nu rú'ulatsi' Espíritu Santo, làcã nna ná ca ŷi'ni Tata Dios. ¹⁵Labiru la' rátsilatsi' té qui' le tì'a antes loti' yala gùtsini le tì'a ttu esclavo qui' nuŷa patrón ní, sino hua yù bá le annana qui'ni chi ná le ŷi'ni Dios dè:sdeba bitá Espíritu Santo nna chi bá dúe lo

losto' le, acca runi ri'u oración nna gá ri'u Dios: Tàta qui' tu'. ¹⁶A' modo nna runi Espíritu Santo declarar lo losto' ri'u qui'ni chi ná ri'u ÿi'ni Tata Dios. ¹⁷Chi ridi' ri'u iyetse' ca bendición qui' Tata Dios porqui'ni chi ná ri'u ÿi'ni to' quì'e. Iyaba ca cosa tsè' nu chi té qui' Cristua nna ná huá cã para edácca'ni ri'u. A' râl-la' ri'u thí' ri'u nna tsé'e ri'u le' ÿiabara' nna ccá ttùba la' redácca' latsi' qui' ri'u lani Cristo, acca yala sufrir cca ri'u miéntraste tsè'e ri'u le' yétsiloyuì, tì'a uccua hué'e sufrir. ¹⁸Annana yala sufrir cca ri'u por ttu tiempo to'. Pero después lá nna huàl-lani tsá qui'ni eyacca ri'u cubi por la'yani' qui' Tata Dios. ¹⁹Itute nu beni Tata Dios nna, yala calatsi'ì qui'ni prontu taá il-lani tsá qui'ni gunie ri'u presentar como ÿi'nie nu de la'yani'. ²⁰Itute creación nu guleqquia Tata Dios nna, bíruhua nu dacca' gá runiã porqui'ni ituba yétsiloyu nna chi ccã perder, álahua por biya mal nu beniã, sino porqui'ni a' nani Tata Dios, pero náhuánie qui'ni i'yu tsá qui'ni itute creación qui'e nna gúlui'ã adí tsè'. ²¹Làniiana itute nu té le' yétsiloyu nna ÿiabara' nna eriã le' sentencia nu gulèqquie qui'ì nna labiru biya ccaniã, sino eyacca lã nu cubi tì'a ri'u ÿi'ni Tata Dios chi gulà ri'u le' condenación nna gata' la'yani' qui' ri'u nu té le' ÿiabara'. ²²Rilá' huáni ri'u tì'iya ná tristeza nu cca sufrir itute creación qui' Tata Dios, dèsdeba gùl-lani tul-la' le' yétsiloyu hàstaba nanna, porqui'ni yala calatsi'ì eyaccã cubi. ²³A'hua ri'u ca ÿi'nie nna yala rinne latsi' ri'u de ribèda

ri'u qui'ni íl-lani tsá qui'ni gudilèe cuerpo qui' ri'u le' lù'uti nna gunie ri'u presentar. Chi ga'na ri'u seguro qui'ni a' gunie, porqui'ni chi dua Espíritu Santo lo losto' ri'u, seña de ca bendición nu chì' gúnnée qui' ri'u. ²⁴Tata Dios nna chi bedilèe alma qui' ri'u para qui'ni a' modo nna gappa huá ri'u confianza lani e por salvación qui' cuerpo qui' ri'u. Cálá té posible anna taá ila'ni ri'u ca cosa tsè' nu chì' da'la nna, entonces alaáruhuá ribèda ri'u. Porqui'ni ttu cosa nu chà rilani ri'u nna, tì'áruálá modo cueda ri'u íl-laniã nì'i. ²⁵Canchu hualigani gappa ri'u confianza lani Tata Dios por nu chì' da'la màsqui'ba labí té posible ilá' tènì ri'u a' annana, pues ná qui'ni guchia ri'u ca sufrimiento nna bittu gútse'e latsi' ri'u e tsal-lue' néda. ²⁶Miéntraste ribèda ri'u nna, du tehuá Espíritu Santo enne' gunie ri'u cualani, porqui'ni hua yùe qui'ni labí fuerza espiritual té qui' ri'u, labí chi yù ri'u tì'iya tegá inàba ri'u lani Tata Dios, pero por medio de oración nu runna Espíritu Santo lo losto' ri'u lani la' rinne latsi' nna, a' modo nna ratta'yúnie lani Tata Dios por ri'u, màsqui'ba labí ccã expresar lani titsa' rú'a bá. ²⁷Tata Dios nna nabia' ràninie iyaba ca la' rulábalatsi' qui' lo losto' ttu ttu tsa ri'u. Lèe nna yùe biya petición ní nua' calatsi' Espíritu Santo por ri'u ca enne' qui' Tata Dios, porqui'ni Espíritu Santo nna ratta'yúe por ri'u según la' calatsi' qui' Tata Dios.

²⁸Hua yù bá ri'u qui'ni Tata Dios nna gunie qui'ni iyaba ca cosa qui' la'labàni qui' ri'u nna riria cã tsè' para bien qui' bá ri'u, es decir para

iyaba ri'u canu catsi'íni Tata Dios, porqui'ni lèe nna becuí'e ri'u para ttu la' rulábalatsi' tsè' nu té quì'e.

²⁹Tata Dios nna chìa yùe dèsdèba nérúa qui'ni ri'u nna ccá ri'u enne' quì'e, para qui'ni té qui' ri'u la'a mísmuba la' rulábalatsi' tsè' nu té qui' Ýi'ni áa, porqui'ni a' modo nna ná Ýi'ni áa hermano nérú qui' iyaba ri'u.

³⁰Tata Dios nna becuí'e ri'u dèsdèba nérúa, làniana de bì'yu tsá nna gutàÿie ri'u nna beyuni nàrie ri'u de ca tul-la' qui' ri'u para qui'ni ccá ri'u enne' tsè' ru'a lúe. De chi benie nua' para ri'u, làniana benie prometer qui'ni gata' la'yani' qui' ri'u luetsi nu té quì'e le' ÿiabara'.

³¹Por iyaba ca bendición nà', acca chi ga'na ri'u seguro qui'ni Tata Dios nna runie a favor qui' ri'u tulidàba. Núlá nua' gunià ri'u vencer de runià contra ri'u nì'i.

³²Tata Dios nna labí betsùna'nie ri'u Ýi'ni áa, sino guthèl-le'e bi para gatti bi por ca tul-la' qui' iyaba ri'u. Tsí álahua ÿá gunna bée adí ca bendición tsè' qui' ri'u cá.

³³Núlá nua' té poder qui' gutsià ttu queja contra ri'u, ttu queja nu dacca' ccání ri'u castigar por Tata Dios nì'i. Pues la'a mísmuba Tata Dios enni'a becuí'e ri'u para ccá ri'u enne' quì'e nna benie qui'ni biria nari ri'u le' iyaba ca tul-la' qui' ri'u.

³⁴Tsí hua dua nuÿa enne' ní té poder qui' cuequqià sentencia qui' ri'u para tsía ri'u lo yi'bél-laá nì'i. Pues chìa gùttì Cristua por ri'u a'hua chi beyáthee de lo lù'uti, annana dúe lugar de adiru la'huacca qui' Tata Dios làti rinàbèe por ri'u ru'a lúe.

³⁵Núlá enne' ní té poder qui' para ccanià cúq de lo losto' Cristua la'

tsi'ilatsi' nu té quì'e para lani ri'u nì'i. De chi cca ri'u sufrir por biÿa dificultad nna, tsí por nua' nna ína ri'u qui'ni: labiru catsi'ínie inte'.

Nìhua de chi ril-lani biÿa tristeza, o de chi cca ri'u sufrir por la'dí', o de chi cca ri'u sufrir por dil-la', labí ná qui'ni ína ri'u: labiru catsi'ínie inte'.

Canchu ca enne' canu labí cca guyu cã ri'u nna rutsia latsi' qui' ri'u nna calatsi' qui' gutti cã ri'u, o canchu chi tsè'e ri'u le' biÿa attu peligro nna, tsí por a' nna ína ri'u qui'ni chi betse'e latsi'e ri'u cá.

³⁶Labí, porqui'ni chi ga'na escrito:

Chi ríalatsi' tu' cuiã'lu'.

Acca caduel-la' qui'ni cca tu' preparado tulidàba para gatti tu',

Porqui'ni rudácca' cã intu' ti'átsí ná tu' ttu animal nu chi chè' cã para gutti cã.

³⁷Pero nì ttu luetsi ca desgráciã' nna labí runià ri'u vencer sino adí lá creyente tsittsi ná ri'u, porqui'ni chi ga'na ri'u seguro qui'ni yala catsi'ínie ri'u, a' chì yù ri'u por iyate nu benie para gata' salvación qui' ri'u.

³⁸⁻³⁹Acca hua yù rània' qui'ni Tata Dios nna catsi'ínie ri'u durante itute la'labàn qui' ri'u, natsá nna guxtíla nna, a'hua canchu chi i'yu tsá qui'ni gatti ri'u. Nìhua ca ángeli nna, nìhua ca espíritu mal nna, nìhua biÿa attu poder nu té le' ÿiabara' o nu té le' yétsiloyu nna, labí la'huacca té qui' qui' para guni cã qui'ni Tata Dios nna làa catsi'írunie ri'u. O de chi tsè'e ri'u rá' le' ÿiaba, o de chi tsè'e ri'u ÿaré' le' loyu o le' indatò' l-le, tulidàba catsi'ínie ri'u lani ttu la' tsi'ilatsi' nu rulue' por medio de Xana' Ri'u Jesucristua.

9 ¹⁻³Yala telá triste cca te' de rexalátsa'a' ca enne' quia' de raza judío, ribetsia' por làcã tulidàba porqui'ni ná cã ttùba familia lani inte' hàstaá uccua te' qui'ni adila tsa' ccá' condenado para nittia' tì'a ttu enne' nu labiru dacca' para lani Cristo, canchu caduel·la' solamente para qui'ni l·lá cã. Inte' Pablo creyente qui' Cristo labí runi látsa'a' de riquixá'a' nua', porqui'ni Espíritu Santo due lo lóstu'a', acca yúá' qui'ni puro nu ná lí taá riquixá'ania' le. ⁴Tì'a inte' nna, iyaba ca enne' qui' nación quia' Judea nna ná huá cã enne' Israel, quiere decir qui'ni Tata Dios nna dèsdèba nérua becuí'e intu' para ccá tu' ÿi'nie, acca gùdue lani ca tà' tàta qui' tu' por medio de la'yani' bàni nu née, a'hua benie acuerdo lani làcã según la' rulábalatsi' nu té quì'e para iyaba tu', a'hua betie ca mandamiéntua lani làcã, gutixà'a huánie cã ti'iyã modo rú'ulatsi'e qui'ni guni cã ne adorar, a'hua rèe qui'ni gúnnée iÿetse' ca bendición qui' tu'. ⁵Tì'a inte' nna, iyaba ca enne' Israel ná cã descendiente qui' ca tà' tàta qui' tu'a Abraham nna Isaac nna Jacob nna. A'hua Cristua en cuàntua cuerpo quì'e nna ná huée descendiente qui' tu'. Lèe nna née enne' rigú'ubia' lo iyábani ca cosa, porqui'ni Tata Dios nna chi becuí'e bi para quée enne' adiru dacca' para siempre. Quiÿaru e. ⁶Iÿetse' ca enne' quia' nna labí ná cã salvo, pero álahua porqui'ni Tata Dios làa runie cumplir iyate ca cosa tsè' nu rèe qui'ni gunie por intu'. Es porqui'ni intu' ca enne' judío nna, iyaba tu' ná tu' descendiente

qui' Israel, pero álahua iyaba tu' ná tu' israelita en cuàntua espiritual. ⁷Nìhua álahua iyaba tu' ná tu' ÿi'ni Abraham en cuàntua espiritual átsi'ini iyaba tu' ná tu' descendiente qui' bi. Sino tì'a Tata Dios nna chia rèe Abraham: Lani ÿi'ni lu' Isaac nà' teruba tsání ca descendiente qui' lu'. ⁸Acca ritelíni ri'u qui'ni ca ÿi'ni Abraham nna, álahua iyaba cã ná cã ÿi'ni Tata Dios, sino ri'u canu chi reé'nie cuenta dèsdèba antes según promesa quì'e, là ri'u teruba ná ri'u ÿi'ni Abraham en cuàntua espiritual. ⁹Nui ná promesa nu rèe lani Abraham: Sara niula qui' lu' lanú ÿi'ni té, pero attu ida nna guditsìna' bi ttu ÿi'ni nubeyu' to'. ¹⁰⁻¹³A'hua Rebeca niula qui' Isaac tiempo antigua nna, ántesca guditsìna' bi ca cuachi' tú'a nna chía ra Tata Dios bi: Nu itsina' priméru taá nna labí ccã bendecir tì'a bettsi'ì Jacob nà', sino guni lã na servir. A' ra Tata Dios antes càla galia ca cuachi' tú'a, antes càla chi gappa cã néda guni cã nu ná tsè' o nu ná mal. Tì'a chi ga'na huá escrito làti ra Tata Dios qui'ni dèsdèba nérua chi yùe qui'ni yala tsú'ulatsi'e Jacob pero Esaú nna labí. A' ra Tata Dios para qui'ni ccá ri'u saber qui'ni lèe nna té derecho quì'e gucuí'e entre ca enne' para ccá cã ÿi'nie, álahua por nu runi ca enne' ba, sino según lá la' rulábalatsi' tsè' quì'e. ¹⁴Biani ína ri'u qui' nui cá. Tsí labí tsè' runi Tata Dios cá. Pues puru taá nu ná tsè' runie tulidàba. ¹⁵Tì'a gutixà'anie Moisés tiempo lània nna rèe: Inte' nna gucuí'a' nu té la' retúalatsi' quia' lani a, gudilá'a' nu

calátsa'a' gudilá'a'. ¹⁶Acca hua yù ri'u qui'ni Tata Dios enne' rèe nuỹa bá calatsi'e gunie bendecir, álahua por nu ra nuỹa enne' ní, nì tampoco huá por biỹa obra tsè' nu runiá. ¹⁷Porqui'ni ga'na huá escrito qui'ni gutixà'ani Tata Dios Faraón enne' rigú'ubia' yetsi Egíptua tiempo antigua nna rèe na: Inte' beni qui'ni cca lu' rey nna guthítsinia' lu' guni lu' nu calátsa'a' según nu rulaba látsa'a', para qui'ni gúlui'a' qui'ni té la'huacca quia' nna ccá saber itute yétsiloyu qui'ni inte' Tata Dios. ¹⁸Faraón enne' rigú'ubi'a nna yala rebelde uccuá lani Tata Dios. Acca hua yù bá ri'u qui'ni canchu calatsi'e qui'ni nuỹa enne' ní ccá rebelde, pues gunie para qui'ni ccá rebelde. A'hua canchu calatsi'e etúalatsi'e nuỹa enne' ní, pues gunie na bendecir. ¹⁹Hua yúá' qui'ni annana yala calatsi' lu' inàba titsa' lu' inte': Lu' Pablo, canchu a' runi Tata Dios, biálacca té derecho què'e para innie qui'ni nuỹa enne' ní rigú'q falta nì'i, porqui'ni núní té la'huacca què'i' para làa guniá según la' rulábalatsi' nu té qui' Tata Dios para la nì'i. ²⁰Lu' chúná, tsí yala enne' nu dacca' ná lu' tì'a Tata Dios para eyáỹani lu' ecàbi lu' a' nna til'la lu' lani e cá. Ttu yethu' nna, tsí ína ri'u gá enne' benia nna: biecca beni lu' inte' íj nì'i. Labí, porqui'ni ²¹ttu enne' runi ca traste nna, tsí bihua derecho té què'i' guniá biỹa bá calatsi'j lani gùnà' qui' niá cá. Lani ttu teruba pelota gútsa' nna huaccaniá cuequuiá chuppa clase de plato; sea ttu plato especial, o biỹa attu plato huaya' l'le. ²²A'hua entre ca enne' nna, gutsé'e canu ná

qui'ni nitti ba ça, pues là' tsìàlatsi' qui' Tata Dios nna ná para làca, para qui'ni gúlue'ní la'huacca iỹeni gani nu té què'e de runie contra nu ná mal. Pero lèe nna bechia bée ça lani iỹeni paciencia. ²³⁻²⁵Ania benie para qui'ni por medio de la'huacca tsùna' gani què'e nna gunie bendecir iyaba canu ná qui'ni etúalatsi'e ça porqui'ni benie ça preparar dèsdaba nérúa para qui'ni tsé'e ça lani lèe le' la'yani', tì'a ri'u de chi gutáỹie ri'u para ccá ri'u enne' què'e, ya sea intu' ca enne' judío, o ya sea lebi'i entre ca enne' qui' adí ca nación huaya', tì'a rèe lo libro nu bedia Oseas enne' uccua profeta tiempo lània:

Canu lahuábí ná ça yetsi quia', huàl'lani tsá gunia' qui'ni ccá ça yetsi quia'.

A'hua nu bihua uccuatsi'í te'á antes nna, huàl'lani huá tsá qui'ni ccá ça enne' especial quia'.

²⁶Raáruhuá Tata Dios ça:

Canu tsè'e le' lugar làti gutixá'ania' ça qui'ni labí ná ça yetsi quia',

Pero huàl'lani tsá qui'ni la'a nía huá nna gata' láa quí yì'ni Tata Dios enne' bàni tulidàba.

²⁷⁻²⁸A'hua Isaías enne' uccua profeta nna gùnne bi tì'iỹa ccá la' ritè qui' ca enne' Israel nna ra bi: Chi huàni thùti ca enne' Israel tì' taání re' yúyí ru'a indatò', Pero álahua iyá ça ccá ça salvo, tsua' teruba ttu te ça. Porqui'ni huàl'lani tsá qui'ni Señor nna de repente tabá gunie cumplir tì' rulaba latsi'e lani iyaba ca nación qui' yétsiloyu.

29 Ti'huá ra la'a mísmuba Isafás
dèsdeba antes:

Señor enne' bána'ni iyate nu té
le' ÿiabara' nna.

Cáala labí becà'née tuchùppa
enne' gùla qui' tu' nna, pues
cuando lání chi bil-lùÿa latsi'
itute naciòn qui' tu',

Tì'a uccua lani ca yetsi lá cą
Sodoma nna Gomorra nna
tiempo antigua.

30 Por ą' nna chi ritelíni ri'u qui'ni
ca enne' qui' adí ca naciòn nna labí
chi nabia'ni cą ca mandamiento
qui' Tata Dios para guni cą duel-la'
ccá cą enne' tsè' tì' rèe, átsi'ini
tiempo anna ribèqqie cą por enne'
nàri, porqui'ni hua té modo para
qui'ni iria cą nàri de ca tul-la' qui'
quį, iyaba canu chi ríalatsi' quį
titsa' qui'e. **31** Ca enne' Israel nna
yala uccua latsi' quį guni cą seguir
ttu ley para iria nàri cą lani Tata
Dios, pero labí biría lani cą guni
cą na cumplir. **32** Ti'ani modo cca
acca bihua biría nàri cą ru'a lo Tata
Dios cá. Porqui'ni labí huíalatsi' qui'
qui'ni por medio de fe qui' ri'u nna
gunie ri'u recibir, sino belaba lá
latsi' quį qui'ni huacca bá cą guni
cą gana salvaciòn por làcą de runi
cą nu ra lo ca mandamiéntua. Acca
completamente bá ridacca'ÿí cą de
rulaba latsi' quį qui'ni ą' rulue' lo
Escritura, **33** tì'a ra Tata Dios:

Ithé-la'a' ttu Enne' yetsi láą
Siòn,

Pero ca enne' yetsi Siòn nna
ga'na bá cą equivocado
porqui'ni gulaba lá latsi' quį
mal,

Pero nuÿa tediba tsíalatsi'į ne
nna nunca labí elènią bitola.

10 Lebi'į hermanos, yala
rexalátsa'a' ca paisano
quia' nna rinábania' Tata Dios lani
oraciòn qui'ni iyaba ca enne' quia'
Israel nna ccá cą salvo. **2** Inte' nna
nabia' te' cą nna hua yúli rània'
qui'ni yala religioso ná cą para guni
cą Tata Dios servir, pero álahua lani
la' ritelíni. **3** Labí nabia'ni cą ti'iyá
tsè' ná nu ra Tata Dios para eyacca
ri'u nàri ru'a lúe. Làcą nna runi
gáláa cą duel-la' iria nàri cą lani e
de ca tul-la' qui' quį, pero calatsi'
quį guni cą na según la' rulábalatsi'
qui' bá quį nna labí ríalatsi' quį nu
ra Tata Dios para guni e cą recibir.
4 Labiru ná qui'ni guni ri'u duel-la'
eyacca ri'u nàri ru'a lo Tata Dios
por medio de ca obra nu ra lo biÿa
ley religiosa, porqui'ni chi bitá
Cristua para qui'ni gappa ri'u fe
lani e. **5** Moisés nna bedia bi qui'ni
nuÿa diba gunią cumplir iyaba ca
mandamiéntua nna ą' modo nna
iria nàrią ru'a lo Tata Dios para
gunie na recibir para gata' adí
la'labàni qui'į. **6** Pero por medio de
fe qui' ri'u, ą' modo nna runie ri'u
recibir, acca labiru rena ri'u: yà'laÿa
riquina' eyya ttu enne' ÿiabara'.
Canchu ína ri'u ą' nna, ti'atsi chí'
itá lá Cristua yétsiloyu. **7** Nìhua
labiru rena ri'u: yà'laÿa riqina'
tsía ttu enne' lugar itettia liu'u yú.
Canchu ína ri'u ą' nna, ti'atsi chí'
eyátha lá Cristua de lo canu yatti.
8 Biáruala ra lo Escritura cá. Pues ra
į: Exa tabá du titsa' qui' Tata Dios
lani lu', chi gul-lanią hasta lo losto'
lu' ą'hua para quixá'a lu' ą, quiere
decir ca titsa' nu runi tu' predicar
nu rulue' qui'ni iria nàri lu' por
medio de fe qui' lu'. **9** Acca canchu

tsíalatsi' lu' lani itute losto' lu' qui'ni Tata Dios nna chi bechithee Jesucristua de lo lù'uti para labiru gattie attu nna, a'hua canchu equixá'ani lu' adí ca enne' qui'ni Jesucristua nna née enne' rigú'ubia' lo iyate, a' modo nna huacca lu' salvo nna labí tsía lu' lo yí'bél'la. ¹⁰Porqui'ni de chi ríalatsi' ri'u lani itute losto' ri'u, a' modo nna eyacca ri'u enne' nàrì ru'a lo Tata Dios nna gunie ri'u recibir. A'hua de riquixá'ani ri'u adí ca enne' qui'ni chi ríalatsi' ri'u, a' modo nna rulue' qui'ni chi ná ri'u salvo.

¹¹Ra lo Escritura qui'ni nuña tediba ríalatsi'ì ne nna nunca labí elèniñā bitola. ¹²Nuña tediba, porqui'ni tulappa ná iyaba ri'u para lani Señor, ya sea intu' ca enne' judío, o ya sea lebi'ì ca enne' qui' adí ca nación l-le. Ttùba Enne' née Señor qui' iyábani ca enne' tsè'le le' yétsiloyu nna yala gunie bendicir nuña tediba enne' ni canchu inàbaniā ne lani oración. ¹³Nuña tediba enne' ni gul-luít'sa'ā Señor nna inàbaniā ne qui'ni gudilèe na, lā nna gata' salvación qui'ì. ¹⁴Pero ti'ani modo gul-luít'sa' cā Señor nna inàbani cā ne para qui'ni l-lá cā canchu labí chi ríalatsi' qui' ne ni'ì. Ti'ani modo tsíalatsi' qui' nu rèe para gappa cā confianza lani e canchu labí chi biyénini cā titsa' qui'e ni'ì. Ti'ani modo iyénini cā titsa' qui'e canchu lanú nuña quixá'aniā cā ni'ì. ¹⁵Ti'ani modo tsía ca mensajero hueni predicar canchu ca hermano nna labí rithel'la' cā evangelista gaña lugar ni ni'ì. Chi ga'na escrito qui'ni para ca enne' nna yala hermoso ná ni'a

nuña hermano itsina'a yetsi qui' qui' nna equixá'ā ca titsa' de salvación nna la' redacca' latsi' nu runna la'yeni lo losto' qui' nna.

¹⁶Ca enne' canu tse'e le' ca yétsia nna álahua iyaba cā guyú'ulatsi' qui' ca titsa' nu ra lo evangelio, sino beni cā tì'a riquixa'a Isaías loti' ra bi Señor: Casi lanú enne' té runi aceptar ca titsa' tsè' nu chi gutixà'a tu'. ¹⁷Así es de qui'ni chi té fe qui' ri'u lani Jesucristo porqui'ni chi biyénini ri'u qui'e. Chi biyénini ri'u qui'e porqui'ni ttu enne' nna chi gutixá'aniā ri'u evangelio qui' Tata Dios. ¹⁸Tsí álahua gùta' huá oportunidad qui' qui' dè'sdeba antes para iyénini cā na ni'ì. Chìa biyénini cā na. Ra huá lo Escritura:

Le' itúbani yétsiloyu chi biyénini cā tsì'ì qui', a'hua titsa' qui' qui' nna chi bitsina' cā hasta último parte qui' yétsiloyu.

¹⁹A'hua rinába titsa'a': Tsí hua rulaba latsi' le qui'ni bihua chi nabia'ni ca enne' Israel la' rulábalatsi' nu té qui' Tata Dios para ituba yétsiloyu cá. Chìa nabia'ni cā na. Por ejemplo, chi ra Tata Dios ca enne' Israel por medio de Moisés:

Canchu chi i'yu tsá nna gulu'é'nia' la' tsì'ilatsi' nu té lo lóstu'a' lani ca enne' qui' adí ca nación, Làniana yala la' yélatsi' ba gappa le.

A' gunia' màsqui'ba labí ná cā enne' Israel tì'a lebi'ì. Ca enne' de una vez tè ignorante, yala itsa'áni le cā porqui'ni retúa huá latsa' ya' cā.

²⁰Lo libro nu bedia Isaiás nna, átitó' fuerte rinne Tata Dios:

Tse'e canu lahuábí gunàba titsa' çà ti'iyá modo gunibia' çà inte', pero chi benia' qui'ni claru tabá chi nabia'ni çà inte'.

²¹Pero qui' ca enne' Israel nna rèe: Tulidàba raýia' çà qui'ni itá çà lani inte', pero làcà yala cabezudo ná çà nna càla latsi' quí edúdítsini çà inte'.

11 Inte' Pablo nna nia' le: Bittu gulaba latsi' le qui'ni por nui nna chi bedu Tata Dios ttu lado yétsi qui'e. Labí rudue ca enne' Israel ttu lado, porqui'ni la'a mísmuba inte' ná huá' enne' Israel descendiente qui' Abraham, daya' le' familia qui' yìthua bi Benjamín. ²⁻³Bihua chi bedu Tata Dios ttu lado yétsi qui'e, porqui'ni dèsdeba chía gutsá becuí'e çà para ccá çà yétsi qui'e. Tsí labí réxalatsi' le biýa ra lo Escritura acerca de Elías loti' gùnne bi lani Tata Dios nna betsia bi queja contra ca enne' qui' bi nna ra bi: Cuiá'lu' Señor, chi betappa' çà ca lugar làti runi tu' cuiá'lu' adorar, a'hua chi betti çà iyaba ca enne' canu rinne parte qui' cuiá'lu'a. Tsuá' teruba inte' reyà'na, pero reyila huá çà inte' para gutti çà inte'. ⁴Làniana Tata Dios nna becàbinie Elías nna rèe bi: Alàa tsuá' teruba lu' reyà'na, sino chi benia' preparar gàtsi mili' ca nubeyu' canu labí betse'e latsi' quí inte' nna labí ruduýíbi quí ru'a lo imagen de Baal. ⁵Inte' Pablo nna nia' le qui'ni a'hua tiempo tsè'e ri'u annana reyà'na tuchùppa mili' ca enne' Israel canu labí betse'e latsi' quí Tata Dios, porqui'ni lèe

nna chía gulèqqúie çà yà'latsi' porqui'ni catsi'ínie çà. ⁶Chi becuí'e çà solamente porqui'ni catsi'ínie çà, acca ritelíni ri'u qui'ni ná çà salvo pero álahua por biýa obra nu beni çà. Favor nu chi beni Tata Dios lani ri'u nna, cáala ná ttu recompensa por ca obra tsè' nu chi beni ri'u entonces bíruhua ná regalo sino ná lá laýa.

⁷Biala ni'i. Casi iyaba ca enne' Israel nna labí ccami çà gata' bendición qui' quí nu runna Tata Dios, làteruba tuchùppa mili' chi runie çà recibir porqui'ni gulèqqúie çà yà'latsi' para ccá çà enne' qui'e. Pero adí çà nna labí caso runi çà Señor enne' catsi'ínie çà. ⁸Ná çà tì'a riquixá'a lo Escritura qui'ni: Tata Dios nna be'èl-la' te lée çà bittu télíni çà ca cosa espiritual, acca hasta tiempo annana labí capacidad té qui' quí para ila'ni çà nihua labí riyénini çà. ⁹⁻¹⁰A'hua David enne' uccua rey tiempo antigua nna ra bi de runi bi oración:

Làcà nna yala tsè' ro çà ttu ttu tsá, pero idittu' tse'e çà lani cuiá'lu',

Acca inte' nna rinábania' cuiá'lu' qui'ni thacca'yí çà nna gulaba latsi' quí qui'ni cca tsè' çà cuiá'lu' nna, pero thí' lá çà castigo nu cca çà merecer, A'hua qui'ni ca iyyaló quí nna icàl-la çà para làa ila'ni çà A'hua qui'ni ccá çà esclavo para qui'ni yà' nu huá'ni çà nna ccá idì'i nna, cuè'e quí tulidàba iyàchua.

¹¹Annana nia' le: Tsí ína ri'u qui'ni Tata Dios nna benie qui'ni ca enne' Israel guýacca'yí çà para

qui'ni eyà'na cą fuera de una vez tegani cá. Álahua a' uccua, sino de labí rudà naga' qui' nna acca ca enne' qui' adí ca nación râl-la' huá cą salvación, para qui'ni ą' modo nna gappa ca enne' Israel la' yélati' nna thulo cą calatsi' qui' ccá huá cą salvo. ¹²Itúyiani yétsiloyu nna chi ridi'ą bendición nu runna Tata Dios qui'į, porqui'ni ca enne' Israel yala equivocado ga'na cą. Acca por pobreza espiritual qui' qui' nna râl-la' ca enne' qui' iyábani ca nación riqueza espiritual nu runna Tata Dios qui' qui'. Pero adí teérulá tsè' ccá itúbani yétsiloyu canchu chi i'yu tsá qui'ni eyeqquia iyaba ca enne' Israel.

¹³Lebi'į ca enne' qui' adí ca nación nna, ruréxa'a' latsi' le qui'ni Tata Dios nna guthèl-le'e inte' Pablo para gunia' ttu tsina qui' Cristua por primera vez entre lebi'i canu labí ná enne' Israel, acca yala dacca' tsina nu runia'. ¹⁴Xiaba tuchùppa paisano quia' nna de rila'ni cą qui'ni ríalatsi' le mensaje quia' nna gappa cą envidia nna tsía huá latsi' qui' para ccá huá cą salvo. ¹⁵Tata Dios nna chi bedu sèe ca enne' Israel ttu lado, acca annana hua té oportunidad para qui'ni iyáyia tè ca enne' eyacca tsè' cą Tata Dios. Pero canchu chi i'yu tsá qui'ni eyeqquia ca enne' Israel attu lani e nna, pues adí teérulá tsè' cca para iyáyiani ca enne' de rila'ni cą qui'ni canu yatti nna reyacca bání cą. ¹⁶Tata Dios benie bendecir ca primero enne' Israel tiempo antigua, acca iyábani ca enne' Israel ná huá cą bendecido por Tata Dios ą'hua tiempo tsè'e ri'u anna. Por ejemplo ttu yà

nna, canchu l-lúį ná tsè', làniana hàstahuá ca ní'į ná huá cą tsè'.

¹⁷Pero uccua duel-la' íchue tuchùppa ca ná' yàgàa, làniana benie qui'ni lu' nna beduani lu' lugar làti gurú attu te canuá, t'la canchu gúthuani ri'u ttu ná' yà nu láą olivo ixi' lani ttu yà olivo tsè', acca hàstaba lani l-lúį qui' yà tsè'a nna chi ná lu' ttùba, ą'hua bání le por medio de fuerza nu runna yàgàa. ¹⁸Acca lu' creyente qui' attu nación, bittu gulaba latsi' lu' qui'ni adiru enne' dacca' ná lu' ti'chu ná' propio gani yà olivo tsè'a. Canchu rebata' lu' nna, ná qui'ni éxalatsi' lu' qui'ni aláa lu' rue' lu' fuerza l-lúį yàgàa, sino l-lúa lá runna fuerza qui' lu'.

¹⁹Hua té cca' huá qui'ni ecàbi lu': Làchu, pero por inte' acca gutittsa Tata Dios cą para qui'ni édúa' lugar qui' qui'. ²⁰Pero inte' nna nia' lu': hualiba gùttsa cą, pero solamente porqui'ni labí huálatsi' qui' Tata Dios. Lu' nna chi beduani lu' lugar làti gurú cą, pero solamente porqui'ni té fe qui' lu' lani Tata Dios, acca bíttuúru ebata' lu' sino ná qui'ni gátsi lání lu'. ²¹Ca enne' Israel nna runi cą representar ca ná' yà olivo tsè'a, pero Tata Dios labí eyuniyén latsi'e qui' qui'. Acca lu' creyente qui' attu nación, bè' cuidado qui'ni guni lu' seguir la' ríalatsi' qui' lu' para làa gunitti lu' lugar qui' lu'. ²²Acca ná qui'ni ccá lu' saber qui'ni Tata Dios nna yala enne' retúalatsi' née lani itúba yétsiloyu, pero ą'hua runi bée ca cosa justamente taá nna. Yala duro runie contra canu labí runi cą nu rée. Pero lani lu' nna yala enne'

de retúalatsi' née, pues a' ccá bée tulidàba lani lu' canchu guni ba li e agradecer por la' tsì'ilatsi' quì'e, para qui'ni làa íchue lu' tì'a benie lani ca enne' Israel. ²³Ca enne' Israel nna canchu eyequua cã lani Tata Dios para gata' salvaci3n qui' qui, hua yu ba ri'u qui'ni yala la'huacca té quì'e para gúthuánie cã attu lugar làti bireccu' canã.

²⁴Lu' creyente qui' attu naci3n nna gurù lu' lo ttu yà nu du ixi' baa nna bédواني lu' lo yà olivo tsè'a, ttu cosa nu labí runi ca enne', quiere decir qui'ni labí rùthuani ri'u ná' ttu yà mal lani ttu yà tsè'. Pero anía beni Tata Dios lani lebi'ì ca enne' qui' adí ca naci3n. A' hua ca enne' Israel nna, adí telá fácil éduani cã attu vuelta lugar qui' qui, ya qui'ni ná cã propio gani ca ná' yà tsè'a.

²⁵Lebi'ì hermanos, labí calátsa'a' qui'ni té motivo qui' le para gulába rù latsi' le qui'ni yala enne' sabio chi ná le, acca quixá'ania' le anna nu cca qui' ca enne' Israel. Làcã nna yala redúdítsini cã Tata Dios, pero álahua para siempre, sino solamente hasta chi i'yu tsá qui'ni iyětse'éru ca enne' qui' adí ca naci3n nna tsíalatsi' qui. ²⁶⁻²⁷Làniana ccá salvar iyâyiani ca enne' Israel, ti'ba ra Tata Dios lo Escritura:

Dèsdeba le' ciudad Si3n, iria ttu Enne' gudilèe yétsi qui' Jacob, Bítuúru guni cã nu ná mal, A' gunia' para ca enne' Israel tì'a chi benia' prometer, Canchu chi i'yu tsá qui'ni eyuniyén látsa'a' ca tul'la' qui' qui.

²⁸Labí ríalatsi' ca enne' Israel mensaje nu cca qui' Jesucristua,

acca Tata Dios nna chi bedue cã ttu lado ti'atsi ná cã contrario quì'e para qui'ni guni lée recibir lebi'ì ca enne' qui' adí ca naci3n. Pero catsi'í bánie ca enne' Israel porqui'ni dèsdeba gùdua Abraham chía becué' Tata Dios cabi para ccá cã enne' quì'e. ²⁹Tata Dios nna nunca labí enàbee biyã bendici3n nu chi bènnèe. Nihua labí relénie de chi gutâyie nuyã enne' para ccã enne' quì'e. ³⁰Lebi'ì ca enne' qui' adí ca naci3n, ttu cuayã nuã nna labí beni le Tata Dios obedecer. Pero annana chi nabia'ni le ti'iyã tsè' ná la' retúalatsi' quì'e, porqui'ni ca enne' Israel nna beni cã ne desobedecer. ³¹Quiere decir qui'ni Tata Dios nna chi retúa latsi'e lebi'ì lá, pero ca enne' Israel nna labí runi cã ne obedecer, para qui'ni i'yu tsá gunibia' huá cã ti'iyã tsè' ná la' retúalatsi' quì'e lani làcã.

³²Tata Dios nna chi nanie qui'ni ca enne' judío a' hua ca enne' qui' iyaba ca naci3n ccá cã enne' nu labí rudà naga' qui quì'e, para qui'ni a' modo nna ttu rú'a bá guluè'nie qui'ni retúa latsi'e tsayéniyiaba ri'u.

³³Acca hua yu ba ri'u qui'ni yala iyeni ná ca riqueza qui' Tata Dios. Ca la' rulaba latsi' quì'e nna, ti'ani modo ethàsilà'na ri'u cã nihua labí ritelíni ri'u ti'iyã modo ribequeia latsi'e para gunie cã cumplir, porqui'ni chi bá nabia'nie itúbani, a' hua té la' riyeni tsè' quì'e tulidàba para gunie tsè' iyábani ca cosa.

³⁴Tì'a ra lo Escritura:

Núlá chi nabia'niã iyaba ca la' rulábalatsi' qui' Señor ni'ì. Núlá chi rã ne: íj ná nu guni cuiã'lu' ni'ì.

³⁵ Tsí chi benie caso biya regalo nu beni ttu enne' ne ofrecer para qui'ni lèe nna eyiyeè qui'ni ni'i.

³⁶ Iyáyiiani ca cosa nna dá' çá de Tata Dios, a'hua por medio de lèe nna runi çá seguir, a'hua para la'a labée ná iyáyiiani ca cosa, acca lèe nna què merecer qui'ni gudàliani ri'u e tulidàba para siempre. Quiyaru e.

12 Tata Dios nna iyé vuelta chi belui'e qui'ni yala retúa latsi'e ri'u, áccaña hermanos, inte' nna rinénia' le por amor qui'e qui'ni guni le presentar cuerpo vivo qui' le lani e tulidàba tì'a ttu ofrenda para lèe, lícca nàri la'labàni qui' le para qui'ni guni lí e servir tì'tení rú'ulatsi'e, a' modo runi lí e adorar tì'a ná qui'ni guni le. ² Bítuúru guni le ca cosa mal nu rú'ulatsi' yétsiloyuj, sino ná qui'ni gata' attu la' rulábalatsi' cubi qui' le, para qui'ni la'labàni qui' le nna ccá completamente tsè' por la'huacca qui' Tata Dios. A' modo nna gunibia' le voluntad qui' Tata Dios lani le quiere decir, itute nu ná tsè' nu rú'ulatsi'e qui'ni guni le.

³ Porqui'ni inte' Pablo ná' apóstol qui' Cristua nna rinénia' ttu ttu tsa le: bittu gudàliani lu' la'a mísmuba lu' de rulaba latsi' lu' ti'iya tsè' ná capacidad nu chi té qui' lu', sino ná qui'ni gulaba lá latsi' lu' lani cuidado para guni lu' e servir según ti'iya fe nu chi benna Tata Dios lo loto' lu'. ⁴ Por ejemplo: cuerpo qui' ri'u nna iyetse' parte qui'í ná, pero ttu ttu tsa parte qui'í nna álahua tulò tè riyu' çá, sino yètsi' yètsi' bá ná capacidad qui' ttu ttu parte qui'í. ⁵ A'hua ri'u nu ná cuerpo qui'

Cristua nna iyetse' ri'u ná, pero ttu ttu tsa creyente nna té ttu tsina nu ná qui'ni gunia para qui'ni tálía ttu resultado tsè' para itute iglesia. ⁶ Yètsi' yètsi' bá ná capacidad nu runna Tata Dios qui' ttu ttu tsa ri'u según favor qui'e lani ri'u, acca ná qui'ni guni ri'u e servir. Por ejemplo, de runne ttu confianza lo loto' ri'u para qui'xá'ani ri'u ca enne' dacca'ló tabá nu cca qui' Jesucristua nna, ná qui'ni guni ri'u predicar tita' qui'e lani la'huacca nu runne qui' ri'u. ⁷ A'hua de runne capacidad tó' qui' ri'u para guni ri'u biya taá clase de tsina ni para obra qui' Señor nna, ná qui'ni guni ri'u a lani voluntad. De runne capacidad qui' ri'u para guthète'ni ri'u ca enne' nna, ná qui'ni gulue'ni ri'u çá enseñanza tsè'. ⁸ A'hua de runne espíritu qui' ri'u para guni ri'u ca enne' animar nna, ná qui'ni inne ri'u tita' nu gunna fuerza qui' qui'. Canchu té biya qui' ri'u nna calatsi' ri'u gute ri'u a qui' nuya ttu enne' nna, ná qui'ni ya gute bá ri'u a tì'a ttu regalo sin biya interés ní. De runi dirigir ttu creyente biya tsina qui' obra qui' Señor nna, ná qui'ni ccá trabajador. De retúalatsi' ri'u ttu enne' nna ná qui'ni guni ri'u a lani la' redacca' latsi' nu da' de lo loto' ri'u. ⁹⁻¹⁰ Biya tabá cosa nu ra Tata Dios qui'ni ná mal nna, liuyudí' a lani itute latsi' le. Pero iyaba ca cosa nu ná tsè' nna, guni ba le seguir lani çá. Ttùba hermano chi ná le, acca ná qui'ni gulue' le lani cariño qui'ni té la' ts'ilatsi' lo loto' le, ttu le lani attu le nna, aláa cuenta tita' rú'a bá. Leyila modo para gulue' le qui'ni runi apreciar

luetsi le, ttu le nna attu le nna para qui'ni hermano qui' lu' nna thí' bi la'dàliani. ¹¹En cuanto biya tsina nu cca ofrecer nna, litts'e al tanto para guni lí a tsè' taá, bittu cca le flojo sino guni le Señor servir lani espíritu nna lani la' redacca' latsi' nu da' de lo losto' le nna, porqui'ni Jesucristua nna née Xana' le. ¹²Yala icca'rubà le por ca cosa tsè' nu chì' da'la para lebi'i, acca ná qui'ni gata' iýénini la' redacca' latsi' lo losto' le de ribèda le. A'hua de cca le sufrir le' yétsiloyuì nna ná qui'ni guni le seguir cca le enne' fiel. Tsé'e le al tanto tulidàba para huín le oración. ¹³De nabia'ni le qui'ni ttu hermano qui'le cca bi sufrir por biya necesidad ní té qui' bi, ná qui'ni etúalatsi' le bi nna guni le bi cualàni. A'hua tsè' taá guni le recibir iyaba ca enne' íl-lani le' litsi' le nna a'hua lígúni çà invitar.

¹⁴Canu rutsia latsi' quì le nna, bittu qué' le iquua quì, sino linnàbani Tata Dios lani oración qui'ni gunie çà bendecir. ¹⁵Canchu ttu enne' redacca' latsi'ì nna, bittu gappa le la' yélati' sino edácca' huáni le por nu tsè' nu chi uccua lani a. Canchu ttu enne' té biya tristeza ni quì'ì nna gúlue' le qui'ni rehuini' huáni le lani a. ¹⁶Liguni duel-la' tsé'e tsè' le para qui'ni gata' ttùba la' rulábalatsi' qui' le. Iýé bá ca la' rulábalatsi' tsè' cubi chi gùta' qui' le annana, pero bittu iýùl-lani le ca enne' nu cca çà sufrir, sino ccá ttùba la' rulábalatsi' qui' le lani çà. Bittu gulaba latsi' le qui'ni yala chi yù le.

¹⁷Bittu gudèqquia le mal qui' canu runi mal qui' le. Liguni duel-la' guni

le nu ná tsè' lani iyábani ca enne'. ¹⁸Ná qui'ni guni le duel-la' lani itute latsi' le bittu tíl-lalani le ca enne', sino eyila le modo para tsé'e le en paz lani iyaba çà. ¹⁹Hermanos to' quia', bíttuúru édi' la'a lebi'i taá yèè' contra ttu nu runi mal qui' le, sino cueda ba latsi' le, porqui'ni Tata Dios ba gunie castigar canu runi mal, tì'a chi ga'na escrito ca titsa' làti rèe:

Inte' Señor ba edi' yèe',
Inte' ba ithel-la'a' castigo qui'
iyaba canu cca merecer.

²⁰Raáruhuá lo Escritura:

Canchu ttu enne' labí té quì'ì gúq nna, bèni tènì lu' a ofrecer biya gúq, màsqui'ba benià mal contra lu'. Canchu ribitsià inda nna, bete inda í'ya. A' modo nna exalatsi'ì mal nu benià contra lu' nna ettú'nià nna ehuini'nià.

²¹Bittu gute lu' lugar qui'ni guni lu' mal nu rulaba latsi' lu', sino guni la lu' vencer nu ná mal lani ttu hecho tsè'.

13 Iyáyiiani le nna té responsabilidad qui' le qui'ni guni le obedecer qui' canu rigú'ubia' qui' le, porqui'ni iyaba ca la' rigú'ubia' le yétsiloyu nna tse'e çà por permiso qui' Tata Dios enne' nanie qui'ni a' cca. ²Canchu chi ttu enne' labí runià nu ra lo ley qui' gobierno nna, a' modo nna redúdítsinià nu chi nani Tata Dios para ca enne'. Acca iyaba canu runi çà a' nna, rigú'u çà falta nna ccá çà castigar. ³Acca iyaba canu runi biya cosa mal nna yala rátsini çà ca policia, pero álahua tse'e ca policia para gúniatsini çà ca enne' runi nu

ná tsè'. Tsí hua rú'ulatsi' lu' ga'na lu' en paz sin la' rátsilatsi' lani ca uxtíca cá. Pues, guni lu' nu ná tsè', làniana ína cą qui' lu' qui'ni runi lu' nu ná deber qui' lu'. ⁴Ca uxtíca nna ą'hua gobierno nna tse'e cą para guni cą para bien qui' lu', ą' modo nna runi cą tsina qui' Tata Dios. Pero canchu runi lu' biya crimen nna, ná qui'ni íl-lani la' rátsilatsi' lo losto' lu', porqui'ni labí cuento bá ná derecho nu té qui' ca autoridad para guni cą castigar, ya qui'ni runi cą castigar canu cca ba merecer por mal nu runi cą, ą' modo nna runi cą tsina qui' Tata Dios. ⁵Acca ná qui'ni gudà naga' le qui' canu rigú'ubia', pero aláa solamente para qui'ni bittu cca le castigar, sino porqui'ni chi yù le qui'ni nui nna ná tsè' delante de Tata Dios.

⁶Acca ná qui'ni gute qui' ládi le, porqui'ni runi cą deber qui' qui' de ruquiya cą qui' ládi le, ą' modo nna runi cą servir Tata Dios para bien qui' le. ⁷Dàni le guni le cumplir iyábani deber qui' le, por ejemplo: canchu dàa le qui' contribución nna, liquiya lani enne' ga'na encargado para édi'ą na ą'hua biya impuesto l-le. Canchu ná qui'ni gappa le respeto ttu enne' nna, ligappa ą respeto. Canchu ttu enne' runi ą tsè' nna, cą merecer qui'ni gudàliani le na.

⁸Liuquiya làti dàa le qui' ca enne'. ą'hua ná qui'ni gulue' le la' tsí'ílatsi' lani ca enne' para siempre porqui'ni ná ttu deber nu labí fin qui' té. Nu catsi'íni luetsi enni'í nna, ą' modo runi ą cumplir itute nu ra lo Ley qui' Tata Dios acerca de vecino qui'í. ⁹Porqui'ni lo Ley

nna ra í: Uccuatsi'íni luetsi enne' lu' ti'atsi la'a lu' ba. Acca lo ca tsii mandamiento qui' Tata Dios nna ra í: Bittu ccá lu' adúltero. Bittu ccá lu' huetti enne'. Bittu ccá lu' ubàna. Bittu ichitha lu' belà'na qui' enne'. Bittu thálatsi' lu' biya té qui' attu enne' lani la' ruyudí' lo losto' lu' nna envidia nna. Prueba qui'ni hua lígani catsi'íni lu' ca enne' nna ná qui'ni bittu runi lu' ca cosa mal ná' ñihua biya attu cosa mal nu ra lo adí ca mandamiéntua. ¹⁰Enne' té la' tsí'ílatsi' lo lostu'í nna, labí runi ą biya mal contra ca enne'. Acca de rulue' ri'u la' tsí'ílatsi' nu té lo losto' ri'u para lani ca enne' nna, ą' modo nna cca cumplir iyate nu rinàba lo Ley qui'ni guni ri'u.

¹¹Anía ná qui'ni guni le, porqui'ni hua yù le ti'íya quetha ritè ca tsá, acca bittu cuenta tsé'e ba ri'u le' yétsiloyuí, sino ná qui'ni tsé'e la ri'u al tanto, porqui'ni tsá qui'ni íl-lani Jesucristua enne' gudilèe ri'u nna, adiru exa chi debíga'ą annana ti'chu de loti' guduló ríalatsi' ri'u. ¹²Átító' tiempo té para guni ca enne' seguir guni cą ca cosa mal, porqui'ni chì' taá duą íl-lani Cristua attu. Acca bittu guni ri'u ca cosa mal nu runi gàtsi' ba cą, sino ná qui'ni tsé'e ri'u al tanto para guni lá ri'u dacca'ló taá ca cosa nu ná tsè' en contra de ca cosa mal, tí'a ttu soldado tsè'. ¹³Réla rítsá nna ná qui'ni guni ri'u nu ná tsè'. Bittu ccá ri'u borracho, ñihua bittu tsía ri'u biya fiesta nu ná principalmente para táni ca enne'. Bittu gute ri'u cuerpo qui' ri'u para la' ridualàni attu nu huaya' ñihua para biya attu vicio nna. Ñihua bittu gappa ri'u la'

yélati' nna nìhua bittu guyudí' ri'u ca enne' nna til-la ri'u lani ca. ¹⁴Ná qui'ni gulue' le tulidàba qui'ni chi ná le enne' qui' Señor Jesucristua. Bítuúru gute le lugar para guni le biya la' ridàlati' mal nu guyú'u latsi' le guni le antes, para qui'ni làa gunià le vencer.

14 Canchu ttu hermano nna itá sà litsi' le nna labí chi ritelí tsè'nià nu ra lo Escritura, pues ná qui'ni guni lí à recibir tsè'ni, pero bittu guni le discutir lani à sobre de ca cosa delicada nu ríalatsi'.

²Por ejemplo: Ttu te ca enne' nna rulaba latsi' qui' qui'ni huacca ba go ca iyábani ca cosa nu dacca' go ri'u. Pero tse'le tehuá attu te ca enne' canu yètsi' lá ritelíni ca nna iyaba clase de alimento ro ca menos bèla'.

³Nu ro iyábani nna bittu ná qui'ni gunià menospreciar nu labí ro iyábani. A'hua nu labí ro bèla' nna bittu ná qui'ni etitse'él-la'q nu ro iyábani, porqui'ni a'hua lq nna chì beni Tata Dios na recibir. ⁴Pero lu' nna bihua ná lu' enne' yèni para thí' lu' derecho etitse'él-la' lu' ttu siervo qui' enne' huaya' nì'i. Ná bà asunto qui' xana' niá para guyuà ti'iya runi siervo quì'i canchu runi bà tsè' l'le o canchu runi bà mal l'le. Pero hua ría díhuà tsè' porqui'ni Señor nna té la'huacca qu'e para qui'ni irià tsè'. ⁵Attu ejemplo: Ttu te ca enne' nna duél-la'ní rigua ca ttu tsá porqui'ni rena ca qui'ni nà tsá yèni. Pero attu te ca enne' nna, tulappa ba ná iyaba ca tsá para làca. Sobre de ca cosa' nna, pues ná qui'ni ttu ttu enne' ína por la'a labá. ⁶Enne' rigua biya tsá ní nna, es qui'ni cania qui'ni a' modo nna rudàlianià

Señor. A'hua enne' bihua rigua biya attu tsá ní nna, pues para Señor nna labí rigua na. Nu ro bèla' nna ruà na para gudàlianià Señor, porqui'ni rui'q gracia Tata Dios por la'gò qui'i. A'hua nu labí ro iyábani nna rudàliani huà Señor, porqui'ni rue' huà gracia Tata Dios. ⁷Ni ttu ri'u nna labí ná ri'u xana' la'a ri'u ba para cu'úbia'ni ri'u la'labàni qui' ri'u según la' calatsi' qui' ba ri'u, ya sea tiempo anna o ya sea canchu chi gatti ri'u. ⁸De bàni ri'u nna, ná ri'u responsable ru'a lo Señor por nu runi ri'u, a'hua tsé'e ri'u ru'a lúe canchu chi gatti ri'u. Así es de qui'ni ya sea de bàni ri'u o ya sea canchu chi gatti ri'u nna, qui' ba Señor ná ri'u. ⁹Acca Cristua nna gùttie nna beyacca bànie nna labiru gattie, para qui'ni quée Xana' iyaba ri'u nna rigú'ubi'e tàntua entre canu yatti a'hua entre ri'u canu bàni. ¹⁰Lu' nu labí ro lu' bèla', biánicca retitse'él-la' lu' hermano qui' lu' nì'i. Attu lu' nu ro iyábani, biánicca runi lu' mensopreciar hermano qui' lu' nì'i. Pues tsayéni yíabá ri'u nna té qui'ni etsina' ri'u ru'a lo Cristua enne' innie canchu tsè' beni ri'u l'le o canchu làa beni ri'u tsè' l'le ¹¹porqui'ni lo Escritura nna ra íj:

Inte' Señor nna nia' le qui'ni hualigani da' tsá qui'ni iyáyiani ca enne' nna guduýibi qui' ru'a lua', A'hua iyaba ca nna ína ca dacca'ló tabá qui'ni ttu teruba inte' ná' Dios.

¹²Así es de qui'ni ttu ttu tsa ri'u nna té qui'ni gute ri'u cuenta ru'a lo Tata Dios iyate nu beni ri'u.

¹³Acca hermanos, bíttuúru quíníyú luetsi ri'u. Sino dàa láni le gata' attu la' rulábalatsi' qui' le para bittu tehuá guni le biya nu runi qui'ni ttu hermano qui' le nna ccá ofender nna guniá tul-la'. ¹⁴Inte' Pablo ná huá' enne' nu ríalatsi' qui'ni Jesús nna née Señor lo iyate, hua yúlí rànía' qui'ni iyaba ca cosa nu dacca' go ri'u nna ná bá cą tsè', pero ttu enne' nu rulaba latsi'í qui'ni ną tul-la' para lą canchu gúa na, entonces adila tsa' bittu gúa na. ¹⁵Acca lu' nna bíttuúru go lu' biya alimento nu ná tul-la' para lani hermano qui' lu' nna ccá bi lastimar espiritualmente taá de rila'ni bi qui'ni ro lu' ą. A' modo nna rilá'ní qui'ni labiru la' tsi'ilatsi' gá té lo losto' lu' para hermano qui' lu'ą' nna calatsi' lu' qui'ni nitti bi solamente por ttu cosa nu ridálatsi' lu' go lu'. Ná qui'ni éxalatsi' lu' qui'ni ą'hua por hermanuą' nna gùtti Cristua. ¹⁶Lihue' cuidado qui'ni làa go le biya o guni le biya canchu por nuą' nna rute le lugar qui'ni attu enne' inniá mal qui' ca enseñanza nu yù le ná cą tsè'. ¹⁷Porqui'ni reino qui' Tata Dios nna álahua ną cuestión de í'ya go ri'u, sino qui'ni gata' ttu la' rulábalatsi' tsè' qui' ri'u nna ca cosa nu runna la'yeni nna la' redacca' latsi' lo losto' ri'u nna por la'huacca qui' Espíritu Santo lani ri'u. ¹⁸Tata Dios nna yala redácca'nie por lu' canchu ą' modo runi lu' Cristua servir; ą'hua ca enne' nna yala contento tsé'e cą porqui'ni runi lu' nu ná tsè'. ¹⁹Acca tulidàba ná qui'ni hué' ri'u cuidado làa gute ri'u lugar para chadi biya disgusto entre

ri'u, sino ná qui'ni guni la ri'u nu runna fuerza qui' luetsi ri'u. ²⁰Bittu guni lu' qui'ni l-lúyalatsi' tsina qui' Tata Dios por ttu pedazo de biya alimento. Iyába ca cosa nu dacca' go ri'u nna bihua tul-la' ná canchu go ri'u cą. Pero hua ná mal go ri'u biya alimento canchu por ą' nna ccá ttu enne' ofender nna guniá tul-la'. ²¹Canchu por bèla' nu calatsi' lu' go lu', o canchu por vino nu calatsi' lu' i'ya lu' acca ttu hermano qui' lu' guniá contra la' rulábalatsi' tsè' qui' nna í'ya gúa nu ná tul-la' para lani ą, adila tsa' bíttuúru go lu' bèla' nihua bíttuúru í'ya lu' vino, nihua bíttuúru guni lu' bíyaáru attu cosa nu guni qui'ni ichèccu' hermano qui' lu' nna eyàcca débil fe qui'í. ²²Lu' nu ríalatsi' qui'ni labí tul-la' ná para go lu' iyábani nu dacca' go ri'u, ná qui'ni nui nna ccá ttu asunto entre lu' teruba lani Tata Dios. Ica'rubà ttu enne' canchu la' rulábalatsi' qui'í bihua runiá na condenar de runiá iyába ca cosa nu ná tsè' para lani ą. ²³Pero canchu nuya calatsi'í gúa biya màsqui'ba hua yù bą qui'ni ną mal para gúa na, entonces la' rulábalatsi' qui'í guniá na condenar canchu gúa na, porqui'ni labí ną de acuerdo lani la' rulábalatsi' nu chi bete Tata Dios qui'í. Acca bittu guni ri'u biya cosa canchu labí ną de acuerdo lani fe nu té lo losto' ri'u, porqui'ni ną tul-la' para ri'u canchu guni ri'u ą.

15 Iyaba ri'u canu chi ná ri'u adí fuerte nna té responsabilidad qui' ri'u ccá ri'u hermano tsè' lani ca enne' canu ná débil fe qui' qui, labí ná qui'ni gudua iquiqui ri'u puro taá nu ná

tsè' para ri'u. ²Ttu ttu tsa ri'u nna ná qui'ni guni ri'u duel-la' guni ri'u según la' rulábalatsi' qui' attu enne' nna, quiere decir nu iŷu'a para bien qui'ni nna a'hua para qui'ni ccá creyente adí tsittsi' nna. ³Porqui'ni a'hua Cristua nna labí benie nu ná tsè' para la'a labée, sino beni lée para qui'ni gata' la' redacca' latsi' qui' ri'u, tì'a chi ga'na escrito: Iyaba ca titsa' mal nu rinne cą contra cuią'lu' nna, iquua bá' tatsia cą. ⁴Iyaba nu chi ga'na escrito lo Escritura qui' tiempo antigua nna hua ná enseñanza tsè' para guthète' ri'u, para qui'ni ccá ri'u animar nna cueda ri'u ca cosa tsè' nu chì' da'la nna guchia ri'u iyaba lani la'ŷeni. ⁵⁻⁶Tata Dios enne' runna paciencia qui' ri'u nna runna huée fuerza qui' espíritu qui' ri'u. Rinába'a' qui'ni lèe nna gúnnée la'ŷeni lo losto' iyaba le para qui'ni gata' ttùba la' rulábalatsi' qui' le de guni le nu ná para bien qui' ttu le nna attu le nna tì'a rú'ulatsi' Cristo Jesús, para qui'ni juntu taá gudàliani le Dios enne' née Tata qui' Xana' Ri'u Jesucristua.

⁷Acca hermanos, ná qui'ni ccá le amigo tsè' ttu le nna lani attu le nna para qui'ni Tata Dios nna thí'e adí la' dàliani, tì'a Cristua chi bitée para quée amigo qui' iyaba ri'u.

⁸Inte' Pablo nia' le qui'ni Cristua nna bitée para gunie nu ná tsè' para bien qui' ca enne' Israel, para gunie cumplir iyaba ca titsa' nu chía gutixà'ani Tata Dios ca tà' tàta qui' t'ù'a, a' modo nna rulue' qui'ni runi bée iyaba nu rèe. ⁹Cristua nna bitá huée para qui'ni lebi'i canu ná enne' qui' adí ca nación huaya' nna

gudàliani huá le Tata Dios de rue' lí e gracia por la' retúalatsi' qui'e, tì'a ra David lo Escritura:

Por nui nna gudàliania' cuią'lu' ru'a lo ca enne' qui' adí ca nación nna,

Gúl-la'a' himnos para gunia' cuią'lu' alabar.

¹⁰Ra huá attu lettia:

Yala redacca' latsi' ca enne' escogido qui' Tata Dios, A'hua lebi'i ca enne' qui' adí ca nación nna redacca' huá latsi' le.

¹¹Ra tehuá attu lettia:

A'hua lebi'i ca enne' canu labí ná enne' Israel, liudàliani Señor, Iyá ŷiani le canu tse'e le' ituba yétsiloyu nna, Ligùl-la himnos para lèe lani itute latsi' le.

¹²Tì'a ca titsa' nu bedia Isaías:

Áccualani nuá gùtti Isaí, Pero i'yu tsá qui'ni attu descendiente qui' bi nna quée rey nna cu'úbia'nie iyábani ca nación nna

Gappa cą confianza lani lèe qui'ni gunie nu ná tsè' para làcą.

¹³Tata Dios ènni'a' nuá runne confianza lo losto' ri'u para cueda ri'u lani la' redacca' latsi' por ca bendición nu chì' da'la, rinába'a' qui'ni guni le seguir tsálatsi' le titsa' qui'e para qui'ni bittu tehuá estorbo té lo la' rulábalatsi' qui' le nna, sino gata' lá iŷeni la' redacca' latsi' lo losto' le por la'huacca qui' Espíritu Santo lani le de yù le qui'ni gunie le bendecir tulidàba.

¹⁴Lebi'i hermanos to' quia', caŷèn tabání latsi' lóstu'a' de yúá' qui'ni

lebi'i nna té iÿèniní la' tsì'ilatsi' lo losto' le, a'hua porqui'ni chi té iÿèniní la' ritelíni tsè', acca té capacidad qui' le para egú'u néda luetsi ttu le nna attu le nna. ¹⁵⁻¹⁶Lo carti nna rinénia' le ti'tó' fuerte sobre de tuchùppa punto para qui'ni làa iÿùl'lani le ca porqui'ni a' ná deber quia' de rú'ulatsi' Tata Dios qui'ni gunia' tsina por Jesucristua làti tse'e lebi'i ca enne' qui' adí ca nació. Acca runia' para qui'ni télíni le tsè' ca titsa' quì'e nu runna salvación para qui'ni gunie le recibir tì'a ttu ofrenda para lèe. Chi ná le enne' tsè' nna nàri nna ru'a lúe por tsina nu runi Espíritu Santo lo losto' le.

¹⁷Yala redacca' te' por iyaba ca resultado tsè' nu chi rila'ni ri'u le' tsina nu runia' por Tata Dios por la'huacca qui' Cristo Jesús. ¹⁸⁻¹⁹Iyaba ca cosa tsè' nu riquixà'a' acerca de tsina quia' nna nâ porqui'ni Cristua benie ca por medio de inte', para qui'ni lebi'i ca enne' qui' adí ca nació nna guni le Tata Dios obedecer de riyénini le predicación quia', a'hua de rilá'ni le ti'iÿa ná la'labàni quia' lani ca enne'; a'hua por adí tsina nu benia' por la'huacca qui' Espíritu Santo lani inte' de beyunínia' ca enne' ra'ni nna ca milagro nu rulue' de la'huacca quì'e acca huíalatsi' quì. A' modo nna le' iyaba ca yetsi dèsdeba Jerusalén hàstaba le' región idittu' lâ Ilírico nna chi huà'a' hueni predicar nu cca qui' salvación nu runi Cristua ca ofrecer. ²⁰Siempre huà'a' ca lugar làti labí chi nabia'ni ca nombre qui' Cristua, para gunia' predicar nu cca qui' salvación nu

runie ituba yétsiloyu ofrecer nna iyénini ca quì'ì por primera vez, a' rue'él-la' látsa'a' gunia' para qui'ni tsina quia' nna ccâ ttu tsina cubi, aláa làti chia guduló attu te ca enne' huaya'. ²¹Chi benia' tì'ba ra lo Escritura:

Canu nunca labí chi bina ca quì'e, làcã nna ila'ni ca ne por primera vez,

Canu nunca labí chi biyénini ca nombre quì'e, làcã nna télíni ca por primera vez.

²²Por nua' nna huà'a' làti huaya' hueni predicar, acca labí uccua quia' itá' tanél·lia' le. ²³Pero annana labiru tsina té para gunia' le' ca lugar nà', a'hua chia gutsá calátsa'a' itá' tanél·lia' le. ²⁴Cca te' qui'ni tsà'a' España nna tsa'tséla tè ttí'a' Roma para tanél·lia' le. De chi bè' tsè' ri'u titsa' nna, té confianza quia' lani le qui'ni guni le inte' cualani nna ithel·la' le inte' para España. ²⁵Pero anna tè nna déya'a' para Jerusalén porqui'ni denú'a' ttu ofrenda para gute ya' a' qui' ca hermanos tse'e nía. ²⁶Ca hermanos tse'e le' región nu lá Macedonia nna Acaya nna gùppa ca gusto ithèl·la' ca ttu cualani to' para ca enne' pobre qui' iglesia re' le' Jerusalén. ²⁷Yala rú'ulatsi' quì guni ca cabi cualani, pues ciertamente hua ná deber qui' quì, porqui'ni por medio de canu ríalatsi' canu tse'e le' ciudad Jerusalén nna yala bendición chi gùÿi' ca. Acca làcã ca enne' qui' adí ca nació nna ná qui'ni guni ca cabi cualani materialmente taá. ²⁸Canchu chi betí'a' ofrèndì qui' cabi nna cca terminar asúntuj

nna, làniana néda de tté bá' nna gunia' le visitar. ²⁹Chi lá yú rànía' qui'ni canchu chi ìl-lania' làti tse'e le nna yala bendición thí' losto' le por medio de ca titsa' qui' Cristo nu quixa'ánia' le. ³⁰⁻³²Acca ÿa hermanos por la' dàliani qui' Xana' Ri'u Jesucristua nna rinába'a' qui'ni guni le oración por inte' lani amor nu runna Espíritu Santo lo losto' le, para qui'ni ccá le ttùba lani inte' lo batalla espiritual quia' nna inàbani le Tata Dios qui'ni canu tse'e le' región láq Judea canu labí ríalatsi' qui' nna bittu biÿa irialàni cã de runi cã duel-la' guthácca' cã inte'. Aÿhua ofrenda nu denua' yìlì nna liguni oración qui'ni ca hermanos tse'e le' ciudad Jerusalén nna guni cabi a recibir lani la' redacca' latsi' para qui'ni canchu hua ná voluntad qui' Tata Dios nna ìl-lania' ciudad Roma làti tse'e le, pero lani la' redácca' latsi' lo lostu'a' para qui'ni edilátsa'a' nna ccá' bendecir por ca titsa' tsè' nu hué' luetsi ri'u. ³³Tata Dios enne' runna la'ÿeni lo losto' ri'u nna gunie seguir lani iyaba le tulidàba. Quiÿaru e.

16 Yala enne' tsè'ni ná hermana qui' ri'u Febe niula ná diaconisa qui' iglesia re' le' yétsi láq Cencrea. ²Rinába'a' favor qui'ni guni le bi recibir tì'ba ná qui'ni guni ca creyente, porqui'ni ná huá bi ttùba lani Señor. Aÿhua rinába'a' qui'ni guni le bi cualani biÿa tediba riquína'ni bi. Yala cualani chi beni bi ca enne', aÿhua inte' nna chi beni bi inte' cualani. ³Nì rithél-la'a' la' rinàba titsa' quia' para hermana qui' ri'u Prisca lani nubeyu' qui' bi Aquila, porqui'ni

ná cabi compañero quia' le' tsina qui' Cristo Jesús. ⁴Làcabi nna yala sufrir uccua cabi por inte' hasta qui'ni átitó' taá làa betti cã cabi porqui'ni bedì' cabi inte'. Acca yala gracia ruí'a' cabi. Aÿhua iyaba ca iglesia qui' ca enne' ríalatsi' qui' adì ca nación nna yala agradecido ga'na cabi lani ca hermanos qui' ri'u Prisca nna Aquila nna. ⁵Liute huá tsàtè' la' rinàba titsa' quia' lani ca hermanos retuppa le' litsi' Prisca nna Aquila nna aÿhua lani amigo tsè'ni quia' Epeneto, pues primérute làbi huíalatsi' qui' Cristua le' ituba región Acaya nì. ⁶Rithél-la'a' saludos para hermana qui' ri'u María, làbi nna yala huá cualani chi beni bi le. ⁷Aÿhua liute tsàtè' la' rinàbatitsa' quia' lani canu làtsi yà'a: Andrónico nna Junia nna chi huá uccua cabi sufrir, pues ttùba bedàl-la cã intu' litsi' iÿyà. Aÿhua iyaba ca apóstol nna yala estimar runi cã cabi. Yà'la tè làcabi huíalatsi' cabi Cristua ti'chu inte'. ⁸⁻⁹Rithél-la' huá' la' rinàbatitsa' quia' lani hermano to' tsè'gani quia' Amplias, Aÿhua lani Urbano porqui'ni ná bi compañero qui' tu' le' tsina qui' Cristo Jesús, aÿhua para amigo tsè'gani quia' Estaquis. ¹⁰Rithél-la' huá' iÿeni la' rinàbatitsa' quia' lani Apeles, iÿé vuelta tsè' belue'ní qui'ni hualigani ná bi ttu creyente fiel qui' Cristua. Yala saludos rithél-la' huá' para ttu tsa ca enne' tsè'e le' litsi' Aristóbulo. ¹¹Liute huá tsàtè' la' rinàbatitsa' quia' lani paisano quia' Herodión, aÿhua lani familia qui' Narciso, ná huá cabi enne' ríalatsi' qui' Señor. ¹²Rithél-la' huá' la' rinàbatitsa'

quia' lani hermana qui' ri'u Trifena nna Trifosa nna yala tsina runi cabi por nombre qui' Señor, a'hua lani hermana tsè' qui' ri'u Pérsida, demasiádu huání tsina chi beni bi para Señor. ¹³Rithél-la' huá' saludos quia' lani hermano qui' ri'u Rufo, ná bi ttu obrero tsè' le' tsina qui' Señor. Liugúni huá tsàtè' saludar nàna qui' Rufo porqui'ni beni bi inte' tratar ti'atsi yì'ni ba bi. ¹⁴Liute tsàtè' la' rinàbatitsa' quia' lani Asíncrito nna Flegonte nna Hermas nna Patrobas nna Hermes nna iyaba adí ca hermanos tse'e lani cabi nna. ¹⁵A'hua rithél-la'a' la' rinàbatitsa' quia' lani Filólogo, a'hua lani Julia nna Nereo lani dàna bía nna, a'hua lani Olimpas nna, a'hua lani iyaba adí ca enne' qui' Tata Dios tse'e ca lani cabi nna. ¹⁶Ligúni saludar luetsi le lani la' tsì'ilatsi' tì'a ná qui'ni guni ca enne' qui' Tata Dios. Iyaba ca grupo canu retùppa por nombre qui' Cristua le' región nì nna, rithel-la' huá cabi la' rinàbatitsa' qui' cabi lani le.

¹⁷Yala rinába'a' qui'ni hué' le cuidado qui'ni làa thaccaýí le por canu calatsi' qui' íl-la'ani ca luetsi le por medio de ca enseñanza mal nu rulue' ca. A'hua por mal ejemplo qui' qui' nna runi ca qui'ni ichèccu' ca hermano para guni ca tul-la'. Nu rulue' ca nna bihua nâ ttùba lani ca enseñanza nu chi déete' le, acca bittu tsíalatsi' le qui' qui'. ¹⁸Làca nna labí runi ca nu rú'ulatsi' Xana' Ri'u Jesucristua, sino runi la ca según nu rú'u bá latsi' qui' para aprovecho qui' la'a làba ca. Yala ruthaccaýí ca ca enne' canu labí chi ritelí tsè', porqui'ni rulue' ca

iýetse' ca enseñanza ti'atsi ná ca tsè' pero labí líni ca. ¹⁹Yala redacca' te' porqui'ni iyáýiani ca enne' nna chi yù ca qui'ni runi le nu ra lo titsa' qui' Tata Dios. Calátsa'a' qui'ni ccá le listo tulidàba para guni le nu ná tsè', pero aláa nu ná mal. ²⁰Tata Dios enne' runna la'yèni lo losto' ri'u, hua yúá' qui'ni lèe nna gunie Satanás vencer por lebi'i para qui'ni bittu guniã le dominar. Xana' Ri'u Jesucristua nna gunie le cualani.

²¹Timoteo hermano ná compañero quia' le' tsina qui' Señor nna yala la' rinàbatitsa' rithel-la' bi qui' le. A'hua canu làtsi yà'a Lucio nna Jasón nna Sosípater nna rithel-la' hua cabi la' rinàbatitsa' qui' le. ²²Annana inte' hermano qui' le Tercio riquixa'ánia' le qui'ni inte' nuã' bedí'a' carti bajo orden qui' Apóstol Pablo, rithél-la' huá' la' rinàbatitsa' quia' lani le, lani nombre qui' Señor. ²³Hermano qui' ri'u Gaius enne' runna ttu lugar làti reyà'na' nna rutèsa huá bi litsi' bi para ccá reunión qui' canu ríalatsi', làbi nna rithel-la' huá bi la' rinàbatitsa' qui' le. A'hua Erasto enne' ná tesorero qui' ciudí nna runi hua bi le saludar, a'hua ttu hermano lá bi Cuartus rithel-la' huá bi saludos qui' le. ²⁴Xana' Ri'u Jesucristua nna gunie iyaba le cualani. Quíyaru e.

²⁵Gudàliani ri'u Tata Dios enne' té la'huacca qui'e para guni ba le seguir cca le creyente fiel tì'ba rulue' ca titsa' nu riquixà'a' acerca de salvación, a'hua ti'ba rulue' adí ca enseñanza qui' Jesucristua nu chi betí'a' lani le ttùba lani la' rulábalatsi' nu té

qui' Tata Dios dèsdeba antes càla cue' yétsiloyu, pero annana chi benie na declarar lani ri'u por primera vez. ²⁶Chi nabia'ni ri'u la' rulábalatsi' qui'áa por medio de nu ra lo Escritura nu bedia ca enne' uccua profeta. Tata Dios enne' due tulidàba labí fin qui'e té nna betie orden qui'ni iyáỹiani ca enne' qui' iyaba ca nación nna

ná qui'ni ccá çà saber nu cca qui' salvación para làçà nna gata' fe qui' qui' nna guni çà obedecer titsa' qui'e. ²⁷Ttu teruba Tata Dios, làteruba lèe nna té itute la' ritelíni nu ná tsè', acca què merecer qui'ni gudàliani ri'u e tulidàni por nu beni Jesucristua para ri'u.

Amén.